

關聖帝君親解覺世真經

上海明善書局印

流通三教經典 發行古今善籍

明善二字。出於儒書。然三教諸書。皆為勸善而作。儒治世。佛渡世。仙救世。其理一也。三教聖人。化導無量有情。說諸法語。後之惡善家。聞發其義。欲修內功。先立外功。其書皆以善與人同為宗旨。故本局之設。藉以流通善書。凡闢此項事業。無不歡迎。

明善事業。先貴擇善。儒道在明德。以至於新民。自讀經範本等書出。而後知入聖超凡。修養成真。即寓於儒教。佛學無明盡。以至於見空。自彌勒尊經等書出。而後知下生治世。大地原人。皆歸於佛種。仙家由明性。以至於了道。自孔壇勸世等書出。而後知迪吉逆凶。現身說法。悉備於仙論。三教之道。由明而入。一貫相傳。萬善同歸。本局採辦此項書籍。博取旁搜。并代人印刷。以備海內有志之士。擇善而從。明善事業。尤貴行善。其修諸己者。以八德為本。其施諸人者。以天下為公。種種事業。悉賴善書。以發明之。可身體。可力行。其價為何如也。至於救世救生。濟生等會。以及育嬰拯災賑荒。一切慈善各機關。莫不有章程條例。急宜刊為成書。廣印傳佈。使諸善士仿而行之。本局樂盡棉力。價廉物美。以為行善之助。

明善書局謹啓

備有詳細書目索當即寄奉

慈善彙報分類種目

- 全年廿四期定價五角
- | | |
|----|------|
| 一 | 本報論說 |
| 二 | 經典匯參 |
| 三 | 八德紀事 |
| 四 | 果報述聞 |
| 五 | 善門常識 |
| 六 | 慈善模範 |
| 七 | 善家著作 |
| 八 | 隨筆雜記 |
| 九 | 勸世詩歌 |
| 十 | 養生叢錄 |
| 十一 | 附刊專件 |
| 十二 | 圖書介紹 |
- 每月朔望出版二期

承印各項定書 概照成本計算

關太子

天皇

周將軍



辛未春正堂之風散繪

武帝親解覺世真經解成恭逢

玉皇上天尊親降驗看覺世經解畢批曰

是經註解詳明真可覺世吾校定後刊刻廣佈願
薄海內外率土人民奉而行之使國有賢臣家無
逆子同敦廉恥共勵操持鳴鳳在郊托梧桐以興
吉士鷗鵠集泮食桑黜而懷好音戒之哉善不積
不足以成名惡不積不足以滅身勿以小善為無
益而不為也勿以小惡為無傷而不去也尚其勉

旃

燮元贊運字佑帝君序

六經四子之書。所以覺萬世者也。然其道博。其言微。其義大而精。其旨費而隱。不特愚夫婦未能通曉。即學士文人。自矜淹貫。亦祇摘其章句。習其文詞。而於忠孝節義數大端。若罔聞知者。甚至諸惡日積。眾善日銷。上干天怒。或削其祿籍。或奪其紀算。或絕其後嗣。子孫報之。未有窮期。作者猶自鳴得意。世之可憂。可懼。可哀。可悲。莫此為甚。此關聖帝君覺世真經之所由作也。關帝生於漢季。生平忠孝兩全。節義兼盡。浩然之正氣。塞兩間。炳

為表裏而一種忠義神勇之氣。寓於慈祥惻怛之
中。洵足以承孔孟之遺經。而輔堯舜之治法。得今
日逐節親解。是程朱再生。而臯夔復起。非天下之
至神其孰能與於斯。嗚呼。帝君去今千餘年矣。
廟祀之典至。本朝而歲以加隆。勸世之文至今
日而無所不至。惟願見斯經者。共體。帝君垂憫
蒼生之大德而不負。帝君詳明訓解之深恩。則
天下萬世幸甚。不然。負。帝教即背王章。負。帝
教即違國法。陽律易道。陰譴難逃。天討昭昭。百神
共稟不第。帝君請試其刀也。吾亦欲請試吾劍。

文昌帝君序

文章可以名世。謂之經。經者常也。萬世不易之常道也。堯舜既沒。聖人之道衰。天生孔子。以覺萬世。而六經四子之書。不絕於天下。此經之所由肇也。孔子沒。而經之脈。幾乎欲絕。七十二子之徒。惟子思子獨延道統。以傳於孟子。孟子放邪說。距淫詞。以承各聖。而孔子之經。復廓然而宏於世矣。乃自秦火以後。世變迭興。祖述之緒。得其名。漸失其實。誦法之士。襲其說。反畔其真。而經之在世者。為之一壞。時則有若荀卿楊雄。習其一二。綿綿延延。韓

退之崛起。大放厥詞。一振夫八代之衰。復啓乎萬年之緒。迄於宋代。文人輩出。箋註遵孔鄭。道學起程朱。微顯闡幽。暗室之燈。燦而青天之霧散。此經之所以再興焉。凡今之人。得以不沒其知覺之良者。豈有他哉。聖人以經覺之於先。諸賢諸儒。以經註經。覺之於後。幸而不為鳥獸草木之世界也。然聖賢教人之法。勸與懲兼用。國家治民之法。恩與威相成。關夫子覺世真經之所為作也。夫子生於漢之叔世。丁時之艱。遇主之盛。立功炎鼎。矢節銜鬚。節義兼全。忠孝無憾。

上帝命掌伏魔之柄。兼司宣教之權。遂得飛鸞開化。而降筆於明末。是經所由傳也。夫經曰覺世。此聖人以先知覺後知。以先覺覺後覺之意也。夫子以忠孝節義為先知。以忠孝節義為先覺。則其所以覺世之後知後覺者。舍忠孝節義別無所為覺也。蓋忠孝節義。人生於天。與耳目手足而同界者也。夫子得天獨厚。而所以承天者。大人不失赤子之心。聖賢而具英雄之膽。浩然之氣。充塞兩間。發為文章。可以攝讐羣邪。降服妖癘。以婆心吐猛語。以棒喝代明刑。已足以懼亂賊。而呼醒世間之夢。

夢矣。然而世之誦是經者。未有能恪遵奉行者何也。夫子威震華夷。畏敬者多。而輒未能親承訓示。是以智者疑為忠勇之靈。未必肯與蠢愚條分縷析。善誘循循。愚者甚至不信。烏能領略聖武神明。牖民覺世之至意哉。歲庚子。歲甲辰。吾適奉

上帝命。勸世人。即以丹桂籍一書。垂為科名天錄。因於四川湖廣兩次臨壇。親解逐句。諄諄切切。諸神共蒙垂序。以弁其端。夫子與焉。今年春。諸士子中。有求武帝親解覺世真經之願。嗣奉孚佑帝君命。促解此經。實為盛舉。洵可壯也。現經夫子

註畢披閱一過。其詞嚴。其義正。其為旨也微而顯。其為道也中而庸。春秋之筆削。風雅之褒譏。無乎不備。無乎不包。非夫子不能有是經。非夫子不能有是解。此解之後。經義了然。覺世之心彰。覺世之功大。凡百君子。能將是書身體而力行之。覺一己之覺。以覺萬人之覺。廣佈而遠施之。覺一世之覺。以覺萬世之覺。覺之不已。將天下後世。日出善人。輾轉相覺。則唐虞三代之遺風。復見於叔季。而不驕樂天之境。界即具於塵寰。吾願人人覺其心。以積陰功。而符陰騭。吾與武帝兩心俱慰矣。

是書果能篤志集成。刊刻廣佈善莫大焉。福莫量
焉。是為序。

關聖帝君覺世真經

帝君曰。人生在世。貴盡忠孝節義等事。方於人道無愧。可立於天地之間。若不盡忠孝節義等事。其心已死。身雖在世。是謂偷生。凡人心即神。神即心。無愧心。無愧神。若是欺心。便是欺神。故君子三畏四知。以慎其獨。勿謂暗室可欺。屋漏可愧。一動一靜。神明鑒察。十目十手。理所必至。况報應昭昭。不爽毫髮。淫為萬惡。首孝為百行原。但有逆理於心。有愧者。勿謂有利而行之。凡有合理於心。無愧者。勿謂無利而不行。若負吾教。請試吾刀。敬天地。禮神明。奉祖先。孝雙親。守

王法重師尊。愛兄弟。信朋友。睦宗族。和鄉鄰。別夫婦。
教子孫。時行方便。廣積陰功。救難濟急。恤孤憐貧。創
修廟宇。印造經文。捨藥施茶。戒殺放生。造橋修路。矜
寡拔困。重粟惜福。排難解紛。捐資成美。垂訓教人。冤
讐解釋。斗秤公平。親近有德。遠避凶人。隱惡揚善。利
物利人。回心向道。改過自新。滿腔仁慈。惡念不存。一
切善事。信心奉行。人雖不見。神已早聞。加福增壽。添
子益孫。災消病減。禍患不侵。人物咸寧。吉星照臨。若
存惡心。不行善事。淫人妻女。破人婚姻。壞人名節。妒
人技能。謀人財產。唆人爭訟。損人利己。肥家潤身。恨

天怨地罵。雨呵風謗。聖毀賢滅。像欺神宰。殺牛犬污。
穢字紙。恃勢凌善。倚富壓貧。離人骨肉。間人兄弟。不
信正道。姦盜邪淫。好尚奢詐。不重儉勤。輕棄五穀。不
報有恩。瞞心昧己。大斗小秤。假立邪教。引誘愚人。詭
說升天。斂物行淫。明瞞暗騙。橫言曲語。白日咒詛。背
地謀害。不存天理。不順人心。不信報應。引人作惡。不
修片善。行諸惡事。官詞口舌。水火盜賊。惡毒瘟疫。生
敗產蠹。殺身亡家。男盜女淫。近報在身。遠報子孫。神
明鑒察。毫髮不紊。善惡兩途。禍福攸分。行善福報。作
惡禍臨。我作斯語。願人奉行。言雖淺近。大益身心。戲

悔吾言。斬首分形。有能持誦。消凶聚慶。求子得子。求
壽得壽。富貴功名。皆能有成。凡有所祈。如意而獲。萬
禍雪消。千祥雲集。諸如此福。惟善可致。吾本無私。惟
佑善人。眾善奉行。無怠厥志。

關聖帝君親解覺世真經

覺世經解

吾何以覺世哉。古來自聖經賢傳而外。○

以陰陽文。覺世矣。○乎佑帝君以求心篇。覺世矣。○
本一片婆心。滿腔熱血。非不言之詳。且至也。奈何世
人不覺。誨者諄諄。聽之藐藐。一念之乖。終身莫贖。吾
憫之憂之。緣即吾之所知所能。非斯世所難能。亦不過
知。非斯世所難知。吾之所能。非斯世所難能。亦不過
即吾孩提少長之知能。拳拳服膺。而弗失之耳。吾願
舉世之有覺者。覺己之所覺。無異於覺吾之覺。則吾
之心慰。即古來聖賢仙佛之心。亦無不慰。

【案】

謹攷○帝君以漢桓帝延熹三年庚子六月二

十四日。生於河東解州。志載○帝君聖像。鳳眼蠶

眉。面色棗赤。有七痣。身長九尺五寸。鬚長一尺八

寸。漢孝靈皇帝中平末。○帝自解至涿。始事昭烈

帝。生平事蹟。有本傳可攷。大義參天。盛名蓋世。身

後累代崇封。有增無替。由侯而王。旋進而帝。至我

朝典禮之隆。尤為前代所未有。直與尼山並峙矣。

帝之精英疊見。捍患禦災。普天幾徧。所禍惟淫。所

福惟善。降筆垂訓。廣勸世民。此經尤著。按同善錄。載王篠屏覺世經詩本中。引前明王陽明先生覺世經序。則此經傳誦已久。刻是經者。屢彰靈驗。不可勝載。歲己酉。有自湖南來者。得○文昌帝君庚子孟冬降湖北武昌府江夏縣張宅。親解陰騭文一書。歲庚戌。復從都中得○文昌帝君甲辰四月降四川重慶府巴縣雙蓮堂於宅。親解陰騭全文一書。同人中因有求○帝君親解覺世真經之願。今年八月初六日。蒙○帝君臨壇。逐加親解。尋蒙玉帝加批。○孚佑文昌二帝贈序。並奉○帝君命。於每條下。照近時所刊丹桂籍內。引確當易曉。故實一二項作證。月內集成。又奉○文昌帝君命。限年終刊竣。廣佈。以昭信奉。謹誌巔末於此。

帝君曰。人生在世。貴盡忠孝節義等事。方於人道無

愧。可立於天地之間。（解）天地之間。人為貴。然人之所

目能視。口能言。手足能持。行之謂也。貴其天地之性。人稟之。天地之心。人立之。則忠孝節義尚焉。是忠孝

節義。為萬化之原。百行之所從出也。今試執途人而責之曰。爾不忠孝。節義。其人必艷然怒。又試執途人而稱之曰。爾能忠孝。節義。其人必忻然喜。何則。本來固有心而擴充之。便可稟天地之性。以立天地之心。立是心而擴充之。便可稟天地之性。以立天地之心。立於天地之間。而無愧矣。不然。徒生於世。與鳥獸草木無異。且鳥中有鳳。獸中有麟。草本中有靈芝。連理。將挾其見貴於世者。以笑人。人失其天地生人之意。反若真愧死矣。不

案晉顯宗時。歷陽內史蘇峻反。攻青溪。柵卞壺為
 尚書令。帥諸軍拒擊。時壺背癰新愈。力疾禦之。苦
 戰而死。二子矜時亦從死於敵。其母撫屍哭曰。父
 為忠臣。子為孝子。復何恨乎。後子孫顯貴。漢曹
 娥。上虞人。其父善巫祝。五月五日。迎潮神於江上。
 溺死。娥年十四歲。哀號慟哭。乃抱一瓜。投於水面。
 祝曰。父屍所在。此瓜當沈。沿江尋之。旬有七日。瓜
 偶沈。娥投江而死。經五日。抱父屍而出。於波上。見
 者笑之。娥屍與父屍忽復沈。少頃。乃背負而出。人
 驚異之。拯而置於岸。其屍不朽。香氣四達。鄉人聞

諸官長。為之禮葬。而立廟於江側。春秋享祀。近年
有降筆勸孝文一篇。其辭曰。嗚呼。孝之為道大矣。
哉。無古無今。無始無終。何貴何賤。何污何隆。惠迪
則吉。從逆則凶。孝。無不友。孝。無不忠。貞烈條貫。節
義源同。民物推暨。胞與擴充。取之無禁。用之不窮。
夔。夔戰戰。洩洩融融。釀而為甘。雨。變而為和。風景
星慶雲。莫非孝光發現。祥麟威鳳。悉是孝德潛通。
何以為天地之完人。祇致完克。愛與克敬。何以為
乾坤之肖子。祇肖致和。與致中。嗚呼。孝之為道大矣。
哉。吾且合今古。統始終。胥貴賤。泯污隆。與二三子
而一闡萬世之鴻濛。此文未行於世。謹附載之。
徐允讓。山陰人。元末兵亂。同妻潘。負父避難。遇寇
傷父。額讓。山陰人。元末兵亂。同妻潘。負父避難。遇寇
讓。潘拉給曰。夫死。自甯殺我。勿害我父。寇捨父。殺
縱潘聚薪焚夫。火熾。投烈焰中死。賊驚歎去。遂絕
岱。越人以孝廉仕魯。為職方主事。江上師敗。遂絕
粒。祈死。效首陽之義。子朗。坐守八日。不死。檄文到
日。朗告父曰。兒不能待矣。乃給工人駕舟出海。口
肅衣冠。北面再拜。縱身入海。工又赴水拯之。猝其憤。
人臂創。極始放。縱身入海。工又赴水拯之。猝其憤。

幘敬。踰時復躍出水面。手正其幘而沒。工歸報岱。岱瞠目曰。兒果能先我死耶。後不復言。數日亦死。

若不盡忠孝節義等事。其心已死。身雖在世。是謂偷

生。解。忠孝節義等事者。人之所以生也。不盡忠孝節

義等事。則生理已亡。生機殆盡。即生於天地之

間。而幸而免者。雖生猶死。故曰偷生。

案五代馮道。少以孝謹知名。為人清儉寬宏。人莫測其喜慍。滑稽多智。時人往往以德量推之。然考其顯貴之始。在唐莊宗時。浮沈取容。歷四姓十君。皆苟居將相公帥之位。史以無恥目之。其時有王凝者。為魏州司戶參軍。卒。妻李氏。負其遺骸以歸。止於旅舍。主人牽其臂而出之。李氏慟哭。引斧斷臂。見者為之嗟泣。歐陽公譏馮道。以為士之不自愛其身。而忍恥以偷生者。皆有愧於李氏之風者也。

凡人心即神。神即心。無愧心。無愧神。解。人心之動。天

心之所安者皆天理之所在。神者天理之宰也。心以
外無神。神以外無心。故有愧於心者。即有愧於神。無
愧心。則神將敬之。愛之。又何愧於神之有。

【案】陝西清澗縣令聘浙江范標為幕。標為人卓識
而性執。凡事只據理行。時有富宦將佃戶打死。屍
親呈告。富宦賂東翁。東翁之冤不伸。打不過自心。却金
講息完事。標曰。死者大聲曰。我賓主受千金。恐閻王
不受。東翁猶豫。標曰。東翁悚然曰。我心亦打
不過去。遂據實問罪。標夢神曰。汝壽止
六十五。今增一紀矣。後果七十七終。

若是欺心。便是欺神。解作神不可欺。心亦不可欺。若人

也。愧焉而又為之。是自欺其心矣。夫
心即神。欺其心。非即欺心中之神乎。

【案】太原王用子與俞麟友善。麟素以孝謹稱。正統
庚戌除夕。用子齋宿。麟友善。麟素以孝謹稱。正統
升殿。諸神抱冊立階下。用子潛問之。曰。鄉試榜送
帝君。畫押耳。問有王用子否。曰。無。問有俞麟否。亦

曰無。俄而。帝君披閱。有押有不押。神退。上呼王
用。予入見。帝君曰。功名至秘。以汝誠敬。故召析
之。汝應上科中式。因汝遇神佛。輒求功名。如意。妻
楊氏。白頭相保。並未祈佑。婦母以此遲兩科在下
榜。五十名。因叩俞麟曰。俞麟應中。因事親腹誹。
故斥之。問何謂腹誹。曰。不以親言為然。但勉強應
承。偽心相與。真性日漓。視親如路人矣。但行竊名。
最櫻神怒。故罰之耳。陳軒字元與。未第時。夢一
官府。前有兩高門。門各有一金字題。一曰左丞陳軒。
一曰右丞黃履。後履官至右丞。軒止龍圖閣直學
士。軒暮年語子曰。吾生平不作欺心事。今位不副
夢。嘗思昔守杭州。有達官以老兵執送府。欲杖
之。吾以此兵年過七十。不應杖。遂令贖。達官折簡
相責。乃呼入行杖。即死杖下。至今常以自尤。達法
徇情。殺人招譴。宜不登
顯位也。汝等宜戒之。

故君子三畏四知以慎其獨

解。心中之神。不可見。不

知能知之者也。於何知之。於獨時知之。故君子慎馬。

【案】餘姚王華陽明先生父也。館一宦家。官多妾而

無子。夜深一妾奔之。公峻拒。妾曰：「此主人意也。」出

一帖示曰：「欲乞人間子。」公署其後曰：「恐驚天上神。」

遂辭館去。祕不洩。一語次年官家設醮。道士拜章。

久而不起。尋曰：「適至天門。見放來春狀元榜。以此

遲緩。問記名姓否。」答曰：「未見名。只有馬前彩旗上

一偶聯。欲乞人間子。恐驚天上神。二語。明年華果

狀元及第。生陽明先生。膺伯爵。漢楊震好學。端

方。諸儒號為關西孔子。漢戚中郎將鄧騭聞而辟

之。震有舉薦茂才王密。半夜懷金遺震。曰：「暮夜無

知者。震却之曰：「天知地知。子知我知。現有四知。何

謂無知。卒不受。後子孫四世居三公之位。不宋蔡

元定。坐朱文公黨被貶。貽書諸子曰：「獨行不愧

影。獨寢不愧衾。勿以我得罪。故遂自懈弛也。」

勿謂暗室可欺。屋漏可愧。一動一靜。神明鑒察。十目

十手。理所必至。解慎此承上文慎獨而言之。凡人之不

為人所不睹。不聞。故肆欲妄行。而無忌憚。不知天處

高而聽卑。神目如電。聲聞若雷。神明之鑒察。不但鑒

察於動靜之時。亦且鑒察於動靜之意。曾子曰。

【案】

唐公臯幼時讀書窗下。有女窺探。將紙窗舐破。

公補訖。題詩云。舐破紙窗容易補。損人陰陽最難。

修。一日有僧過其門。見一狀元匾。左右懸二燈。書。

所題二句。異而詰問。後果大魁天下。元自實恨。

繆君負德。於難鳴時。礪刃往殺。道過一小庵。庵主。

軒轅翁。見有無數惡鬼。持凶械隨之。頃刻復回。則。

見有金冠玉佩。數十人。擎幡蓋相隨。翁意其死矣。

天明往問。無恙。因詰其去來之故。曰。始之往也。恨。

極欲殺。既而思其妻子何尤。更有老母。安可殺害。

遂隱忍而還耳。翁賀之曰。子必有厚祿。一念之間。

神明已。

鑒之矣。

況報應昭昭不爽毫髮解。

報應之理。古聖賢仙佛言。

以其未昭。而因疑其爽也。不知報應之時。或在一世。

或在十世。或在百世。報應之具。或以福祿。或以壽年。

或以財寶。不同之中。自有同。不一之中。乃至。

一。其昭即在不昭而見。豈尚有毫髮之差哉。

〔案〕蜀地年荒。有客負米五斗。過一村投宿。主人與妻忽起。一念謀之。子不知。與客同宿。更深。客起如廁。主人於黑中見一人熟睡。遂殺之。呼妻曰。五斗米到手矣。妻舉火照之。則其子也。遂大慟。客自外聞之。驚而隱去。天明。聞官。夫。婦。伏法。高郵。張。百。戶。往。淮。安。有。人。據。舟。背。呼。救。張。出。白。金。十。兩。呼。漁。民。漂。沒。不。少。有。一。女。子。正。德。年。七。月。海。溢。沿。海。居。岸。一。人。利。其。筍。沉。此。女。子。及。發。筍。見。庚。帖。乃。所。聘。妻。也。夫。救。人。而。適。救。其。子。殺。人。而。適。殺。其。妻。天。道。之。報。施。真。不。爽。也。

淫為萬惡首。解。人之所以異於禽獸者。以其有恥也。

皆喪。故淫為鬼神所首。殛。天地所首。誅。森羅鐵榜。惜。不令淫。人生。前。睹。之。也。然。而。戒。淫。之。書。多。如。烟。海。吾。

不必細解之矣。

〔案〕先儒云。萬惡淫為首。百善孝居先。森羅殿前鐵案也。蓋淫念一生。諸惡羣集。邪緣未湊。生幻妄心。

勾引無計生機械心少有阻礙生瞋恨心慾情顛
倒。生貪著心。羨人之有。生妒毒心。奪人之愛。生殺
害心。廉恥喪盡。倫理俱虧。種種惡業。從此而起。種
種善念。從此而消。如李登年十八。魁鄉薦。後五十
不第。詣葉靖法師問。勸師叩。○文昌帝君。帝命吏
持籍示之。李登生時。賜玉印。十八中解元。十九作
狀元。五十二位右相。緣得舉後。窺鄰女張蕪娘。事
雖不諧。而惡念熾張。以此遲十年。降二甲。又侵兄
李豐屋基。遲十年。降三甲。後長安邸中。淫一良家
婦鄭氏。又遲十年。今復盜鄰居室。子女王慶娘。為惡
不悛。已削其籍。師以告。登愧悔死。子孫遂絕。顏光
衷曰。狀元宰相。數百年中。僅見二三。造此淫業。戕
削殆盡。況他人星命萬分。不及李登者乎。宋政
和間。吳公路被攝至冥司。主者命公路勘斷。囚徒
皆美男子。美婦人。荷枷立庭下。詢之。皆姦事也。公
路惘然。未知處決。見一吏抱巨冊至。公路展視之。
乃陰律也。其詞曰。凡姦人妻女者。當得絕嗣報。夫
罰莫大於絕嗣。以此知淫為萬惡首也。其他以淫
而獲禍者。不及備載。

孝為百行原

(解)

孝者人生孩提而知者也孩提之時

具於百行未發

(解)

百行則百行自爾合理如胞與萬物之類是也

【案】

曾參字子與事母至孝參常採薪山中家有客

至母無措望參不還乃嚙其指參忽心痛負薪以

歸跪問其故母曰有急客至吾嚙指以悟汝耳後

作孝經傳聖道漢文帝名恆高祖第三子勃封

代王母薄太后帝奉養無怠母病三年帝目不交

睫衣不解帶湯藥親嘗仁孝聞海內天下大治國

祚綿長

但有逆理於心有愧者勿謂有利而行之凡有合理

於心無愧者勿謂無利而不行

(解)

今世人之行事者

不視理之所在故忠孝節義皆為利奪甚可哀也

一以理為衡而利不利不暇問則所行者理行之

不行者理止之方為於心無愧如下文散天地以下

皆理所當行也淫人妻女以下皆理所當不行也

〔案〕宋文天祥年二十狀元及第。德佑間元兵告急。下詔勤王。公舉兵入衛。屢冒矢石。元兵襲公於興國縣。夫人及男女皆被執。公不顧。奉帝遷於崖山。加少保信國公。元兵襲之。公方飯。眾不及戰。遂被執。急吞腦子不死。元將張宏範勸公降。公曰。國亡不能救。敢戴其心乎。範遠送燕。在道八日。不食。猶生。至燕。長揖不屈。辯論侃侃。元主幽之小樓。三年。乃害公於柴市。公南向拜訖。從容赴義。衣帶中有紙一幅。書曰。孔子曰。成仁。孟子曰。取義。惟其義盡。所以仁至。讀聖賢書。所學何事。而今而後。庶幾無愧。公死。天下榮之。至今血食海內。○國朝道光年間。從祀文廟。裔族鼎盛。無比。

若負吾教請試吾刀

解。吾刀豈殺善人也。天地殺之。鬼神殺之。萬古之聖賢仙佛。以筆削殺之。以驅邪之。慧劍殺之。以護法之。鞭撻殺之。而吾刀亦於是試焉。然此言也。惡人畏之。善人尤當畏之。君子懷刑。懷國法。亦當懷天誅也。可。

〔案〕青龍偃月刀。與赤兔馬。○帝君顯聖。往往現於雲端。嘉靖間。中州某邑。有赴廟祈禱者。則毆父逆。

子也。○帝君下堂觀戮之時。觀者羣集。共見○帝君還座。而像左偏馬。庚辰夏。有不孝子某。待母如婢。使擔水治飯。少不如意。怒詈加之。生一子。甫數月。母抱臨廚。忽跳入釜中。為沸湯所傷而死。母懼走。不孝子持刀追母。母入○帝廟。伏神案下。不孝子持刀入廟。忽周將軍躍下。提刀砍不孝子倒。廟人出視。見周將軍一足尚在門外。康熙四十應比。新婦賢孝。出銀促其夫農。起往贖。有鄰親劉謀。越牆竊聽。伺其夫出。詐為錯看戩星。敲門取銀。婦初無疑。啓戶迎入。劉強與歡。馬忙將銀盡數索去。迨夫歸。婦知受欺。即日自縊。數日後殯葬訖。一夕。忽有黑面神持刀追劉。謀。腰斬墓所。血流滿地。天明。眾人視之。乃是泥神。恍似周將軍。未敢信也。去墓二里許。有○帝君廟。果失周將軍神像矣。其山東秀江縣惡生。嚴列星。抗欠錢糧。不畏官府。其弟列宿。方迎新婦歸。路遇公差。以完糧逾期。鎖拏赴縣。縣官見其披紅。詢知其故。釋放令歸。時列星在家。聞娶婦甚美。午夜詐為弟回。私自入房成婚。未明而出。泯然無迹。日中家人宣傳。新郎回家。新

婦始知為人欺誑。羞忿自縊。列宿不解其故。但以
首飾衣服從厚殯殮。葬所近○帝君廟。列星惡念
未已。同婦前往掘墓。棺蓋已開。○帝君塑像提刀
至墓。將列星夫婦分斬兩旁。令新婦還魂歸家。鄰
里疑畏不決。齊集多人。同視其墓。則見○帝君神
像森然可畏。刀之染血尚鮮。而列星夫婦兩屍各
已劈作兩截。始信其事之果真。
即送神像還廟。并新其廟宇云。

敬天地

(解)

天地者。先天之父母也。後天之
敬天地。敬為主。人能不長

乎我之所由生。乃天地生之。我之所由長。乃天地長
之一動一靜。天地鑒之。一呼一吸。天地運之。尊而不
可褻。奉而不可違。方算得敬。

案

天啓年晉陵大旱。太守曾櫻虔禱。夜卧壇下。夢

神告曰。明晨有老人進西城門。邀以禱雨。必足成
功。只在一傘。昧旦遣人伺之。果有老者持傘而至。
延以隆禮。懇之祈雨。老者謝無能。公感前夢。請益
誠切。老人焚香告天。誓不飲食。終日百拜。次日得
腹力疲。叩頭而已。第三日早。黑雲四合。大雨盈尺。

公問以生平積何功行。傘有何異。老人曰：愚民未諳詩書，生年八十，惟敬天地神明，所扶一傘，途中便溺，必以覆身。母令織，觸三光耳。公為加敬。厚遺送歸，老人姓羊，名稔，荆溪之北鄉人。

禮神明

解：天地神明，一而化者也。天地無定形，故敬以心神，明有顯象，故敬以禮。禮也者，不在

物而在誠，不在文而在意。

奉祖先
解：生吾者，吾即以敬天地神明也。天地生人，祖先
[案]唐張九成字子韶，常閉閣終日。比舍生潛穴隙窺之，則儼然斂膝危坐，對大編。若與神明伍。後舉進士第一，為名臣大儒。嘗曰：余謫嶺南，居無與遊，自憂過之，不聞學之不進也。乃於書室置夫子顏子像，適有晉淵明及近代諸鉅公畫像，乃環列左右。晨夕瞻敬，心志肅然。其所得鉅公畫像，乃環列其見諸人也。如市朝之捷矣。趙清獻公每夜燒香，若有所私祝者，人問之，公曰：我自少來，日有所為，夜必焚香告天，不敢告者，不敢為也。後官至參知政事。

者禮祖先也。所謂奉者，祭之以禮，追之以誠。水源木

本之思。

春露秋霜之感。仁人孝子，不忘其本者能之。

同二老。

一身半小。一身絕小。同聲曰：爾道中舉中

進士，容易先要考我們陰陽途間受得多少辛苦。

方得汝榮顯。汝當積陰德，以遺子孫。玠問二老為

誰？父指曰：半小者，汝祖也。絕小者，汝曾祖也。祖先

之不忘子孫如此。韓魏公琦勳在社稷位極人

臣，生平善行，不勝枚舉。居恆追孝祖考，謹奉瑩

域事，死如生，有子五俱登高爵。孫曾昌熾無比。

孝雙親。

解者，誠以奉祖先敬天地之人，未有不孝雙

親者也。能孝雙親，方為天地之完人。祖

先之賢裔而下文所言，亦從此起也。

案古人孝行，不勝枚舉。茲僅載養志一條，如雲間

顏公諱文瑞，號雲麓，賦性孝友，自幼晨昏定省，無

間年十三，即任家事，以慰父母。及長，窺親意，頗愛

弟，悉以田房讓之，不取尺椽寸土。娶楊侍講女為

室，氏事翁姑益孝。奉膳問安，有餘必請親膳畢，方

敢就食。嘗以銀錢隱投親筭，隨親所喜而與之。凡

米監之入必先及弟以悅親心四五十年恆如一
日一夕夢神告曰汝命不永且乏嗣上帝以汝至
孝故益爾年錫爾嗣逾年連得二子

後里人欲舉公孝行公堅却不許

守王法解

人之在天地間無不沐君恩者君恩不皆
在雨露而亦有冰霜不遽加以冰霜之威

而先示以法法者示人以從善避惡之路而勿蹈
明刑者也知而守之則不干國憲即不愧完人矣

〔案〕宋李君行先生名潛虔州人入京至泗州留止

其子弟請先生行問其故曰科場近欲先至京

師貫開封戶籍取應君行不許曰汝虔州人而貫

開封戶籍是欲求事君而先欺君也可乎甘緩數

年不可行也此蓋守王法之一端其餘顯蹈明刑

者更不可類推又案王法垂於國憲而玉歷鈔傳

一書實與王法相為表裏舉其崇信玉歷鈔傳者

如繆國維公吳縣人也前天啓進士家居不仕收

買因果等書見王歷必鈔錄分送遇有破損必黏

補使全歲饑輸穀賑濟遇疫合藥救全子慧遠順

治進士孫彤康熙狀元景宣傳臚繼讓進士彤子
日藻榜眼以下繆芭敦仁遵義俱翰林進士累世

簪纓皆守
法之報。

重師尊

解

人其父。生而師教之者也。師尊然後道尊。是以孔子萬世之師尊也。有讀聖賢書而不重師尊者。是不重孔子者也。凡人欲陶成子弟。當知此意。方好。

〔案〕宋彭汝礪少事倪天隱。及官保信。即迎天隱。猶執弟子禮甚恭。天隱死。母未葬。明年妻亦死。公為葬其三喪。嫁其女於同年進士宋渙。正統間。祭酒李自勉忤王振被囚。太學生石大用具疏請代。時銀臺懼之以法。石曰。死生以義。何懼之有。疏入。蒙詔並釋。

愛兄弟

解

兄弟譬之手足。手足在人身。無尺寸之膚。不獨有兄弟以助予。此真人生樂事。不可必得者。可不知愛乎。

〔案〕司馬溫公與兄伯康友愛甚篤。伯康年將八十。公奉之如嚴父。保之如嬰兒。每食少頃。則問曰。得

信朋友

解

朋友以輔仁者也。人有諍友，乃能聞過，人

其不實。信者實也，實故誠。誠故敬，輔仁以此。

案

朱文季與張堪同縣，張於太學中見文季，甚重

之。把臂語曰：欲以妻子相託，文季不敢對。自後不

復見。張亡後，文季聞其妻子貧困，自往候視，賑給

之。張子頡問曰：先人未聞與大人友，何如此？文季

曰：昔曾有知己之言，吾已信於心也。文季後登高

第，京三郎名德忠厚，不欺，有友病篤，慮其子不

肖，密付以千金，曰：吾子必敗，吾家俟其因極，酌濟

之。未幾，其子窮迫，幾斃，德始召詰之，曰：爾父有產

無飢乎？天少冷，則拊其背曰：衣得無薄乎？此愛兄
弟出於性真者。自來愛兄弟者，必和妯娌。如宋張
孟仁妻鄭妙安，孟義妻徐妙圓，徐母家富，鄭貧。徐
不驕，鄭不詬，共居一室，紡績寸絲，不入私房。家有
遺送，必納舅姑處，欲用則請之，不問孰為己物。鄭
歸甯，徐乳其子，徐歸，鄭亦如之，不問孰為己子。子
亦不知孰為己母。家貓為人竊去，犬哺其兒。
人皆謂和氣所感。後宋太宗表其門曰：二難。

睦宗族解

睦宗族者一本之枝葉也在我視之為宗族

孫也我不知有宗族豈不遠矣有祖先乎知有祖先便當知有祖先之孫矣可不睦哉有

案范文正公既貴買良田數百畝為義莊於族之

貧乏者每人日給米一升歲給絹一疋至嫁娶喪

葬皆有周給嘗謂子弟曰我宗族甚眾於我雖有

親疏自我祖視之均是一子孫且祖宗積德百年始

發於我若獨享富貴不恤宗族他日何以見先人

於地下今日何顏入家廟乎故其恩例俸賜必均

及宗族子純仁克紹父志俸祿所入悉廣義莊子孫累

相和鄉鄰解鄉鄰者祖先父母兄弟宗族之所共桑梓

間之慳吝生之嫌疑致之家至不和其不和者勢利

皆始於家法不良而後禍生於閭里也和之之法曰

謙曰惠
曰忍

案劉寬字文饒性仁恕雖倉猝未嘗疾言遽色人失牛就寬車認之不辨解與之後數日亡牛自歸其人慚送還請罪寬曰物有相類事因錯誤幸勞見歸何罪之有吳縣楊翥鄰失雞指姓而罵家溜落家受汚淫患家人復告公曰晴日多雨日少也或侵基址子弟皆不平公曰普天之下皆王土再過來此不妨後歷官至尚書別夫婦解而夫婦為成家之患也始而實即孝弟之原夫婦也與其過於和而無別不若處於別而自和案晉白季使過冀見卻缺耨其妻饁之敬相待如賓歸而言諸文公曰敬德之聚也能敬必有德君請用之遂為晉卿曰後漢梁鴻字伯鸞娶妻孟光至吳依皋伯通居廡下為人賃舂妻具食舉案齊眉伯通異之曰彼傭能使其妻敬之如此非凡人也

教子孫解子孫自有子孫福養子孫有窮期也養而

之亦有本末也末何在文藝是本

何案劉摯兒時父居正課以書朝夕不少問或謂君

只一子獨不加恤耶居正曰正以一子不可縱也

後為名臣司馬溫公六歲時弄胡桃女兄欲去

皮不得婢以湯脫之女兄還問誰為脫公曰自脫

耳父和中公見之呵曰小子何得誑語溫公一生

至誠無妄父教然也皇甫謚少時遊蕩不學其

母任氏歎曰昔孟母三遷教子豈我居不擇鄰與

何自棄之甚也因相對泣下謚感悟立志勤學家

貧常帶經而鋤窮究典章手不釋卷數年遂無所

不通名乃大顯以此知教子孫之事不特丈夫當

也知

時行方便解方便之為道大矣哉上自君相治國家

怨仙曰平情佛曰廣濟皆此意也曰時

行者行之不窮也行之不可一日廢也

案葛繁嘗謂人曰。予日行利人事。四十年來。未嘗少廢。問何謂利人事。公指坐間。蹋子曰。即如此物。置不正。則觸人足。吾為正之。若人渴。與之杯水。皆利人。事也。人人可行。愈久愈益。此貧賤家皆可行者。至富貴人。如漢陽熊士章。舉明經。樂道不仕。一生以方便為念。每日袖銀一包。俟貧老幼孤者過。即予之。日以為常。徧國中。知公好善。有急必與。雖源源而來。勿之倦也。一日里中失火。延燒千餘家。公乃計口出薪米給之。是日施與幾及千金。公時行方。便如是。壽八十有八。無疾而逝。子鳴盛。辛酉經魁。孫伯龍。順治己丑。鼎甲。翰林學士。曾孫正笏。康熙戊午。經元。

廣積陰功

解功而曰陰。人不知也。人不知。天知之。陰功而曰積。多也。多積之。仍廣積之。言積

之自我而被
之自人也

案宋楊旬。為夔州推官。處心正直。累積陰功。子年幼。入泮。旬夢神曰。汝陰德有感。子必貴。須改名。楊椿。因改名入場。果中第六。會試中第九十六名。殿試大魁。天下夔州使君。問旬何由致此。旬曰。某奉

公四十年。家無資產。惟留得三個。慳囊。每決罪囚。有吏書入。輕作重。某為平反。從死減流者。囊中投一大錢。從一流減徒杖者。投一次樣錢。從杖罪輕減。決放者。投一小錢耳。者。投一宜興學使吳頤山。無子。有李生。獻種子。方曰。方今荒歲。殆天假公。以會也。乃列數事。一。貧民錢糧。兩數。以下代納。二。輕犯追贖。贖罪者。代完。三。各城門設粥廠。四。親族貧者。不時餽遺。五。村落窮民。親自給粟。六。置藥療疫。七。掩骼。八。造橋。九。置義莊。十。助學田。公欣然行之。後連舉三子。俱登高第。欣

救難濟急

解者。難者。沈溺於禍患。濟而拔之。故曰救。急者。逼近於禍患。濟而渡之。故曰濟。救濟

之法。一曰誠。二曰巧。如孚佑帝君功過格。小序所言是也。

案

眉山蘇公仲果。遇歲荒。賣田以賑其鄉。及年豐。人償之。辭不受。雖迫於飢寒。而心不悔。生子洵。孫

軾。轍。俱貴顯。文章節義。世稱不朽。張繡。邯鄲人。犯家貧。無子。置一空罍。積錢十年。而罍滿。有鄰人犯徒。三子俱幼。擬賣妻贖罪。繡恐其妻去。而子難存活。謀諸夫人。舉所積錢代完贖。不足。夫人拔釵湊

之。是夕夢。上帝抱兒送之。遂生國彥。歷官刑部尚書。事凝。家貧好善。時有平陽耿廉。械送京師。中途妻忽欲產。人不肯納。妻卧草哭泣。凝見之。留入室。曰。人孰無急。何必以入室為忌哉。倘產為風露所感。則母子難保。我甯留之。而受不祥。何忍死其子。母後凝家非惟無災禍。抑且多福壽。蓋其報也。宋太史濂高其行。為之傳。備述其事。

恤孤憐貧

解。孤不獨幼。而無父之稱。凡人寡不敵眾。不

獨在飢寒。而飢寒為尤甚。憐者哀而出於至誠者也。

案徐擇之判北京趙士琬攜家自仁興來依之。士

琬病卒。擇之判北京趙士琬攜家自仁興來依之。士

吏趙汴護送其家。吏反命。士琬忽憑之曰。某不善攝生。壯年早逝。荷公父子周恤。篤至。不惟死骨得歸。老母妻子皆得平達鄉舍。無流離失所之苦。陰

建君以此重公。將福公矣。後擇之果陟顯位。子孫昌

創修廟宇

解

廟宇者神所栖也。創者造也。修者

【案】嘉興邑信之博學高才累舉不第偶至一村寺中見觀音像風雨露立即取囊中十金授寺僧速令修造僧告以功大銀少不能竣事復取細布四疋新衣七件與之曰但得菩薩無恙吾即飢寒何傷僧曰捨銀及布衣猶非難事只此一點心如何易得工完同父宿寺中父夢神告曰汝子當享世祿後生子汴孫

撫芳皆登第

印造經文

解

經者聖賢仙佛之書也。印者刻而行世者撰也。有心勸化與人為善之一端可貽久遠者也

【案】杭州汪靜虛志欲刻感應篇陰騭文廣施以薄

官未果其子汪源遵先志捐產刻成多方勸募善士各出資財印至萬部施散於人汪源夢父謂曰汝不但善成我志且勸善共施我已超昇天堂汝母亦享高壽眾人與汝已名登善籍矣

捨藥施茶

(解)

藥以活人。捨之則無力。自活者。得以活

者。甘飲。救人。之渴。何異。救人之渴。而己。然。飢者。甘食。渴

亦足。以致疾。施之。即道途之良藥也。

遂得。一子。名。天。應。自。後。益。施。捨。無。倦。雖。貴。重。之。味。

拯。人。疾。苦。毫。無。吝。色。一。日。販。藥。渡。海。風。波。大。作。同。

行。三。十。七。舟。無。一。不。覆。獨。丁。舟。無。恙。將。抵。岸。眾。人。

見。丁。舟。下。有。神。龍。擁。護。廣。施。二。十。餘。年。家。益。富。後。

天。應。登。第。彥。文。親。受。誥。封。享。年。八。十。有。九。無。疾。而。

卒。楊。伯。雍。好。施。義。漿。一。日。遇。異。人。授。以。一。升。玉。

種。子。孫。皆。大。富。貴。伯。雍。享。年。九。十。而。終。何。一。德。

存。心。仁。厚。慷。慨。好。施。奈。家。貧。乏。力。不。能。遂。志。惟。於。

冬。月。措。薑。湯。夏。月。辦。涼。水。以。解。道。路。之。渴。煩。後。遭。

兵。困。絕。糧。一。門。無。食。勢。不。能。生。忽。於。庭。中。蕉。上。生。

一。甘。露。舉。家。取。之。不。竭。經。月。無。食。不。知。飢。餓。兵。退。

合。家。安。然。無。恙。

然。無。恙。

戒殺放生

(解)

殺。亦。烏。能。盡。去。哉。如。祭。祀。血。食。不。在。此。例。所。謂。戒。者。如。無。故。不。殺。牛。無。故。不。殺。

羊之類。生者。生。生。不已之物。所謂放者。如籠繫

【案】

東坡先生曰。予嗜蟹蛤。惟此殺生。自去年始自

悔恨。誓不殺一物。如有贈者。即放江中。雖無活理

庶幾萬一。自愈於烹煎。又曰。人家不知戒殺。故往

往。生子不育。或有牢獄之災。牢字從牛。獄字從犬。

亦循環道理。因作詩勸之云。每饌必烹鮮。木見長

肌肉。今朝血濺地。明日仍枵腹。彼命縱微賤。痛苦

不能哭。殺我待如何。將人試比畜。會稽陶石梁。

張芝亭。過大善寺。見鱸魚數萬。陶曰。我欲買此。故

生。奈力弱。兄為倡募。眾咸之。張諾捐銀一兩。募湊

八兩。買放之。陶夢神曰。汝未該中。緣放生功大。得

中。今科榜發。果中。私念曰。爾時我雖發意。實賴芝

亭贊成。奈何功獨歸我。未幾。南京錄至。張亦中。然

造橋修路。【解】橋路之設。以便民也。可以免沈溺之災。

此似有力者。不能為之。無力者。不能也。抑

知能者。以力。不能者。以心。則人人能矣。

【案】斂縣余永寧。販木為業。一日。邑中議建石橋。估

價四千金。余欲獨任。而資本不足。又將山木至遠。

圖聖帝君覽世經

二十三 明善書局石印

矜寡拔困

解

是寡不獨無夫之謂凡勢處於寡獨者皆

以力竭不能自出則利用拔

案

河南劉理順鄉薦後讀書二郎神廟聞哭聲甚

哀問之乃夫出外七年其母貧欲嫁媳以圖兩活

得遠商十二金晚即歸商南去姑媳不忍別耳劉

曲措十二金代其子作書言去家七年獲利五百

即日歸家先寄銀十二兩等語商知其夫在遂取

銀去越十日其子果歸所得之銀所為之事與書

無二母問子子駭甚曰此神人憐我也劉是年會

試廟祝見二郎神親送遂中崇禎甲戌狀元其子

方販賣及至彼木價昂貴獲利數倍橋既成其本

如故後余享年九十七歲子孫科甲者接踵宋

辛仲甫知彭州州有要路險而難行且少蔭避暑

甫築為平坦栽柳其傍行人德之後召為左補闕

人因名為補闕柳孫三居涑水西岸冬月水淺

舟膠往來病涉孫每至冬月用人曾作七星橋

餘年因病到冥司主者曰此人曾作七星橋

渡人當延壽一紀後享年八十無病而逝獨者皆

後於廟中見公題詠
知書與銀出自公手

重粟惜福解

民以食為天，粟者民之命也。不重粟，則不務農，則不知稼穡之艱難，而

逸諺生矣。惜福者，推重粟之意，而及於一切衣食也。

【案】元周德家貧好善，凡見塗間穢滑諸物，有礙行

道者，必掃除之。遇五穀在道，必拾之。跛替之人，必

撓扶之。種種方便，力行不倦。後夢老人折一桂花，

與之曰：「賜汝貴子，以酬汝勞。」妻果生一子，少穎異。

弱冠登科，袁了凡先生有夫人為子作冬衣，買絮，公

曰：「絲棉輕暖，家中自有，何必買絮？」夫人曰：「棉貴絮

賤，欲以貴易賤，多製絮衣，贈族中無

衣者，公喜曰：「此子壽矣。」後中進士，

排難解紛解

難者，積而成禍。排者，散而去之。紛者，亂

庶士咸知此意，天下享太平無事之福矣。豈不好

【案】朱承逸居雪東門，為本州孔目。慈心好施，一日

晨出，聞橋下哭聲甚哀，有男子攜妻及小兒在馬

叩其所以。曰：負債家錢三百千。督索無償。將同死。於此。朱惻然。遣僕護歸。親自造其家。見債家悍僕。羣坐盈門。朱曰：汝主以三百千錢之故。將殺三命。於汝安乎？我為代還。亟取券來。即如數還之。其人感泣。願役終身。不受復。以二十千資之而去。值歲饑。承逸。以米五百石作粥救貧。活人無算。是年生孫。股肱並登。高第。

捐貲成美

解。君子成人之美。似不沾沾於捐貲也。而

力專為有。向者而言。

【案】范文正公嘗遣子堯夫姑蘇取麥。舟次丹陽。見故人石曼卿。以三喪未舉。不得歸。盡以麥五百石付之。既歸。未言及。文正曰：江東曾見故人否？堯夫曰：石曼卿為三喪未葬。留滯丹陽。文正曰：何不以麥舟與之乎？堯夫曰：已付之矣。文正聞而大喜。父子好義成人如此。宜其連登相位也。劉岑字維揚。有故人子以父未葬為請。詰以所費幾何。子歷歷具陳。岑曰：且留相伴。密使幹吏齎金往辦之。兩

月吏回。始與說曰。喪已舉矣。子可速歸。人問其故。岑曰。此子意氣太爽。得錢必不以親為念。不若留此而畢其事。先友之志酬矣。

垂訓教人解

垂訓教人。非士大夫有德位者不能。人自庠序以迄閭閻。自子孫以及萬世。皆

是也。垂者。著書於下。立法於朝。皆是。

【案】安定先生胡瑗。字翼之。患隋唐以來。仕進尚文詞。而遺經業。苟趨利祿。及為蘇湖二州教授。嚴條約。以身先之。雖大暑必公服。終日以見諸生。嚴師弟子之禮。解經至有要義。懇懇為諸生言其所以治己而後治人者。學徒千數。日月刮磨。為文章。皆傳經義。必以理勝。信其師說。敦尚行實。後為太學。四方歸之。庠舍不能容。為宋大儒。至今從祀文廟。明萬歷年。嘉興府學生李定。遇子弟親友談閨門事。便正色阻遏。更作戒口業文。垂訓後學。因年邁久廢科舉。門人多應試者。強邀入場。夢父語曰。有一士應今科連捷。為姦室女除名。文帝奏汝作戒口業文。陰功不小。請以汝名補之。汝必連

捷矣。後榜發，果中式。次年中進士，官至御史。

冤讎解釋

（解）冤讎有二。人與人冤讎，則我為之解釋。

不求伸為伸，以不與校為忘。

〔案〕呂文穆蒙正，拜參知政事，入朝。有朝士指之曰：「此子亦參政耶？」蒙正佯為不聞。同列忿欲詰其姓名，公曰：「知其人名，則不能忘，不如勿知也。」何叔邱為太守，有兄弟析居，相訟。公察知為內讒，故以詩判曰：「只因花底鶯聲巧，致使天邊雁影分。泣隨筆下，兄弟感悟，願終身不析居。郡人有厚兄弟而多方掩其妻者，皆為公德所感。」

斗秤公平

（解）斗秤本是公平之物，其不公平者，非斗

公平者還其平，不參以私，不加以術，積福無量。

〔案〕唐李珣，廣陵人，父販糴為業。年十五，父使珣主其事。有來糴者，授以升斗，令其自量，不計貴賤，每

關聖帝君覺世經

子孫
繁盛

親近有德

解有德之人。能以德輔人者也。親近之。則

少。而子弟亦有。所
忌憚。而效法云。

案

劉安世。少慕司馬光德望。從之學。光教之以誠。

令自不妄語。始安世敬佩之。歷官臺諫。遇事敢言。一時目之曰。殿上虎。生平以大節自勵。嘗曰。吾欲為元祐全人。見司馬公於地下耳。卒為名臣。諡忠定。或見賢士大夫。稱道人善。即問其所居。書填名。身。或見賢士大夫。稱道人善。即問其所居。書填名。帖。先往見之。果如所言。便為延譽。

遠避凶人

解凶人。非凶暴之人也。惠迪吉。從逆凶。其

非拒之太甚也。不
過不與親近耳。

案長洲尤翁。開典鋪。歲終有一人白手來取當物。司典者不允。遂大罵。翁徐諭之曰。汝不過為新年

計耳。事甚小。何以爭為。命檢原當。得衣幃四五事。翁指絮衣曰。此禦寒具。不可少。又指道袍曰。與汝拜年用。他物無所急。似可留也。其人默然而去。是夜竟死於他家。涉訟經年。家資蕩盡。蓋此人因負債多。已服毒藥。不獲詐尤翁。則移他家耳。翁語人曰。凡非理相干。其中必有所恃。小不忍。則奇禍立至矣。劉甲。凡與人交。其人必有奇禍。王建不信。與之談論。未及終日。建遂失火。人因目為鵠鷗。人遇諸途。避之。惟恐不速。

隱惡揚善解

隱惡揚善。大舜有大馬。惡者一經道破。其惡愈恣。善者不為稱道。其善或阻。隱

之揚之。與人為善。樂莫大於是矣。

案

彭季長有金釧數隻。出以示客。或匿其一於袖中。公不言。眾驚求之。公曰。只此數耳。無失也。將去。袖釧者揖而墜地。公曰。乃出我袖中耶。眾服其德。

宜公之享高壽。子孫俱顯貴。宗濂侍經筵上問。廷臣臧否。公但言善者。復問否者為誰。對曰。其善者與臣交。臣故知之。若否者。縱有之。臣不知也。其

宅心仁厚如此

利物利人

(解)

人物皆我同胞與者也。利人之事不一。而
不外戒殺放生一意。能利人。然後可利物。能利人而
人。又不可不利物也。利物難於利人。故先言物而後言

【案】

陶隱居已獲道要。修合本草濟世。活人甚多。而

不得上昇。託桓闓訪之。曰。君所修本草。以蟲蟲冰

蛭為藥。功雖利人。而害及物命。以此淹留耳。隱居

復以草木可代物者。另著三卷。行世。遂昇仙去。居

宋里老陳元植。麤有家業。好行陰騭。不特利益及

人。即禽蟲悉蒙其惠。每將食。百鳥飛鳴而至。一夕

夢一緋衣人。長三尺餘。謂曰。爾命本促。以盛於陰

德。一切物命。皆所濟活。故能延之。年至九十。晝陰

坐。忽袖中一物。投地。化三尺緋衣人。拱立曰。君壽

不四十。○上帝以汝利物利人。故命我護爾。今已

百歲。辭歸天上。警然不見。元植與子我護爾。今已
孫述之。凡事俱畢。逾月無病而逝。

回心向道

道者。心所歸宿。惟其心放而不回。故與

回頭即彼岸也。

案嘉靖中。江西俞公。名都。字良臣。幼行善。七戰棘

關。皆不售。五子夭。其四。一又失去。妻因哭兒。兩目

皆盲。臘盡不堪。疏禱竈神。求達天曹。四十七歲除

夕。與瞽妻對泣而坐。忽有角巾。卑衣老人來曰。君

家事。吾悉知久矣。君務虛名。瀆陳○上帝。察君之

意。貪念淫念。嫉妒念。褊念。驕矜。報復。恩讐。念。種種

意惡。神皆知之。方不免禍。何由祈福哉。君欲行善。

須將妄想惡念。猛力屏除。不圖名。不望報。不論大

小難易。耐心行去。即力有不及。亦勤懇懇。使善

意圓滿。萬勿自欺。久之自驗。言畢。進竈室不見。公

即誓改前非。實行善事。如是三年。至五十歲。張江

陵相國聞公名。聘至京。為子師。因入監。遂於丙子

丁丑聯捷。偶謁內官楊公。楊公厚贈。送還公。夫人撫其

年十六。即公所失子也。楊公厚贈。送還公。夫人撫其

子。喜極而慟。兩目復明。公不願出仕。辭江陵而歸。

為善益力。為子娶婦。連舉七孫。悉嗣書香。壽至八

十八而終。晚號淨
意。作過竈神記。

改過自新。

解。過者。汙也。心本無汙。染於過。則汙。一旦去之。汙既去。則心之

光輝而潔白者。豈不煥然一新哉。湯
之盤銘曰。苟日新。日日新。又日新。

案明田潤。江西人。說話刻薄。不喜聞道學語。生三子。長子左眼盲。次子右足痿。三子有失心瘋疾。遇淨雲大師。謂之曰。眇一目。跛一足。靈臺一點。瘋頻不住。三子如斯。定有故。潤曰。我無大惡。但口過頻。頻意惡種種。不能自禁耳。師曰。此惡却不小。急當懺悔。潤悚然從之。一心改過。日行濟人利物之事。惡念不萌。如此十年。三子殘疾皆醫治痊可。享壽七十有五。

滿腔仁慈。惡念不存。

解。仁慈之念。本是滿腔。惡念存之。仁慈便有缺焉。人能去其

惡念。乾乾淨淨。無一存者。中無人欲。安得不讓仁慈。來滿腔乎。故此二句。當以去惡念為先。以養其仁慈之天。

〔案〕呂祖學仙於鍾離仙。仙授以丹。點石為金。可以濟世。呂祖問曰。終有變乎。仙曰。五百年後。當復變本質。呂祖曰。若此。則害五百年後人。不願學也。仙曰。修仙要積三千功行。此一心三千功行。已滿足矣。

一切善事信心奉行

〔解〕以上一切善事。人人皆當奉

而故奉行。必先有信心也。此總上文而結之。以起下文。報應之驗也。

〔案〕宋趙康靖公。嘗置二瓶於几上。每起一善念。投

一白豆。惡念投一黑豆。始而黑者多。既而絕少。久

則善惡兩念都忘。瓶豆亦不用。常熟徐翁。好濟

人利物。凡一切善事。無不盡力行之。數十年不倦。

夜有鬼呼於門曰。千不誑。萬不誑。徐家秀才做了

舉人郎。其子棧果鄉薦。翁積德愈厚。鬼又歌於門

曰。千不誑。萬不誑。徐家舉人直做

到都堂。棧果登第。官兩浙巡撫。

人雖不見神已早聞

〔解〕人之心也。非有見者事也。神之所聞

非有信。心以行一切善事。不足言。

事。惟有信。心有。事而後。可使神聞也。
【案】宋黃靖國。為儀州判官。一夕被攝至冥司。冥官曰。儀州有一美事。卿知之乎。命吏取簿示之。乃醫士聶從志。某年某月某日。在華亭楊宅行醫。揚妻李氏淫奔。從志力拒。○上帝勅聶從志延壽二紀。子孫三世登科。靖國既還。說與從志。從志駭曰。此我獨知之。事。妻子亦未嘗聞。不意已書陰籍。後從志果壽考。子孫果皆登第。

加福增壽。添子益孫。災消病減。禍患不侵。解福壽之

身。子孫之報。在百世。兼遠近而言之也。此益其所願也。災。天災。病疾。疫也。禍。橫禍。患。憂患也。不侵者。言禍患不得而入也。此去其所惡也。一

反。一正。分言報善之無定在也。

【案】裴晉公貧時。遇一相者。謂曰。公形神稍異。不貴必餓死。一日遊香山。拾遺物。追之不及。待之不至。攜以歸。明晨復往。候之。見一婦大慟而至。曰。父以罪繫。昨購得玉帶一。犀帶一。欲求津渡。不幸祈禱。

人物咸寧吉星照臨

(解)

人物者。括其一家而言也。寧者安也。若居官者。即可以安。

叙忙亡失於此。父無生理矣。公遽還之。婦願留半。以謝公。不受。後相者復見公。大驚曰。公陰陽文起。前程萬里。非我術所能知也。公登進士。官上相。國封晉國公。享年七十有六。五子皆貴。鄆。困頓無一善狀。親友漸相疏斥。每困倦時。見二物如猿跳躍其旁。心甚惡之。卻之不得。後自悔過。折節改行。忽一日。二物見形作人言曰。我乃主世之災耗者。君有罪。故來相擾。今君有悔過遷善之心。當從此逝矣。何慶病聾啞。不能自養。居大寺中。見道路有荆棘。輒斬除之。夏秋日。必除去。狹路上草。勿使雨露沾衣。一夕夢一黃衣人謂曰。汝前生輕聽是非。好談人短。故有此病。今能方便人。天亦方便汝矣。醒來聾啞俱痊。此病。今能方便人。天積德。一夜有盜入門。家未之覺。許夢一巨人持槍逐盜。驚寤起視。外戶盡闢。毫無所失。及明晨。見一木槍立門外。不知所從來。深以為異。未幾入廟燒香。見廟神手槍。中正失一槍。

天下之人物也。吉星者。天之善氣也。善氣照善人。隨所往而無不臨之也。自敬天地至此。皆言能盡忠孝節義之人。於人道無愧。而神明鑒察其報之不爽如是也。

【案】江州陳氏宗族七百口。每食設廣席。長幼以次坐。共食之。畜犬百餘。共一牢食。一犬不至。諸犬等之。不食。韓文公刺史潮州。為文祭鱷魚。而民患頓除。趙嘉為平原太守。飛蝗不入境。宋均為九江太守。暴虎渡河。管寧自遼東歸。海中遇大風。忽起。沈沒瞬息。惟自反。以一日科頭。三晨晏起。為罪已。而他舟俱沒。惟寧舟安然。時夜晦。暝舟人莫知。所泊遠視有火光。趨之得島。島無居人。又無燈火。人皆異焉。以為神光之所照也。

若存惡心。不行善事。

（解）

人心本無惡也。乃存惡心者。

之惡。遂致行事亦不能善。不善存於心。而發於事。如下所云是也。神明鑒察。其報之不爽如彼也。

【案】湖廣盛某。素性險惡。家富。欲造樓。苦地窄。與鄰張姓言。張不允。盛令盜扳張入獄。以死。卒得張地。而樓成。人號盛為黑心盛。子六歲。不能言。一日忽大言曰。吾非張某耶。來此圖報耳。盛七孔流血。倒地而死。盛子費盡財產而死。宋澄海門外。有專謀人產者。家甚富。乾隆八年秋。有道士化齋。各不與。道士笑曰。我豈少於食哉。主人罪重。故勸行善。事以解之。今若此。不可救矣。已而雷火燒其室。一生蓄積。頓成灰燼。

淫人妻女

【解】淫為萬惡首。上文言之矣。此獨揭之。以

為孽大矣。我淫人妻。人亦可淫我妻。我淫人女。人亦可淫我女。易地皆然。著一人字。有無限警惕人心之

意在。太上曰。禍福無門。惟人自召。此即萬禍之所由召也。戒之慎之。

【案】張安國。淫一鄰女。致女死於非命。後應試。主司

奇其文。欲取作元。忽聞空中叱曰。豈有淫人害人之人。作榜首者耶。主司忽撲地。及甦。起視其卷。已裂為粉碎矣。安國知其故。慚憤而卒。豫章有一

人婚因解

乳雙生者。相貌聲音如一。自襁褓以至三十。微
得失皆同。三十一歲。兄弟省試。鄰婦孀而麗。挑
兄。兄正色拒之。弟托為兄。與婦通。約曰。我得中
必娶爾。及放榜。兄入。弟下第矣。兄弟復誑。婦以發
甲。後娶。且取婦所有財物。以去。春。兄登甲。婦盼望
不至。陰以書貽兄。而死。兄得書。驚詰。弟僂首輸
情。次年。弟子殤。因哭。子失明。未幾亦死。其兄無恙。
享高爵。多子孫。舉人許兆馨。往福寧州。謁房師。
路過尼菴。見小尼而悅之。遂以勢脅。而強汙焉。還
至其地。被鬼打死。江寧庠生郭某。未放榜時。對
門楊生謂曰。我近為陰府判官。知君該中五十七
名。為汝於某時。淫家中一婢女。故除君名。及放榜
果不中。他如寄興青樓。自謂風流雅事。不知淫
娼賤質。亦是他人妻。況百種溫存。無非陷人鉤
餌。破家蕩產。流入匪類。倘遇屍癆之婦。瘡毒之
延染及身。豈惟不齒於親朋。抑且憎於妻。子甚
至毒氣內傷。不能生育。縱有生育而先天毒盛。發
為異瘡惡症。以致夭亡。因此覆宗絕祀。往往有之。
人婚姻。解破。人。人。自破。則於我何咎。若我去破人。

或謀其利。或挾其嫌。或貪其色。則有意破之。雖人之
好姻聚散適逢其時。而我身已多叢一惡孽矣。世之
尤宜凜之者。

【案】浙中一孝廉。有友窺其妻色美。欲計得之。孝廉
為之畫策。飛語入某之耳。謂妻有所私也。某欲出
妻。商於孝廉。復力主之。為作離書。既脫稿。某錄去
而存其稿。適賣筆者至。購選毫。漫以稿塞。筆管中
越三年。為順治戊戌會試。攜筆入闈。搜者得紙以
獻。監場荷枷杖責。革去舉人。四明葛鼎鼐號海
門。為諸生時。每赴學舍。過一磚橋。廟必揖而去。神
托夢於廟。祝曰。為我築屏於門。葛狀元過此必揖。
我起立不安。廟祝如言。將鳩工。神復夢曰。無庸。葛
生代作離書。已削盡其科名矣。蓋里中人有棄妻
者。挽葛代筆也。葛聞而力完其夫婦。後止中一榜。
官副使。江南己卯省試。一生七草俱完。見一女
子。按其卷。曰。與我寫。談人閨閨。四生不允。女即
擲卷於地。生復收之。七藝俱完。逐篇磨對。結句已
易。談人閨閨。四生愕然。以指拭唾沫。洗之。已
而卷已破。破處閱其字跡。仍是自己結句也。

壞人名節

解成名節者。兩間正氣也。壞之有二。一則未

玷黃或一言挾摘。皆足以壞人。末路之自新。或片語雖

【案】三山蘇大璋。治易有聲。戊午鄉試。夢中第十一

名。洩言於同學。其人訴於郡。許蘇與試官有私。及

定榜時。第十一名果習易。郡守告試官曰。設如所

言。何以自解。因於眾前以副卷。大璋也。從正榜而。既

則自副卷。而易正榜者。大璋也。從正榜而。既

者。即訴璋。同學生也。士民咸稱。天道之公。莫不

快。明年蘇冠南宮。江陰修縣志。雨生與纂輯。見

舊志所載。節烈內有。二婦事。平無奇。遂削去之。

已而歸過城隍廟。見有。二婦事。平無奇。遂削去之。

婦至神前。跪訴曰。某等。一生苦節。事載志書。某生

不訪事。行表揚。反將氏名。削去。神曰。兩生合。登黃

甲既輕節義。削其祿籍。兩生聞之。即跪訴曰。一時

誤筆。願即改之。其祿籍。兩生聞之。即跪訴曰。一時

兩婦忽不見矣。而反如之。然如之之心。亦未始

妒人技能

解技能人可有。我亦可有。不知羨之慕之

案省士劉生與徐生結省課在棘闌中互相檢察
 劉見徐卷勝己佯擠人叢中墮之於地給徐曰已
 失之矣徐泣而尋之俄有一吏出袖中還之曰適
 見人擲地上遂收置耳是歲徐登科劉終身不第
謀人財產解人謀之不得則一切惡念生焉傷人之

謀人財產。解人財產。何物哉。嗚呼。乃有謀之者。財產在財。以益己之財。財即多何用。破人惡念生焉。傷人之產。以益己之產。產愈厚愈危。

案畢昶以苛刻立業。凡產業與之鄰。百計侵之。及其有急要賣。則陽拒之。曰。我不欲也。既去。又陰使人勾之。及至。則曰。我實不欲也。其人情急。只得減價相就。及成契。則又曰。我銀不便。約某日來取。至期。或以低銀。或以米穀。抬算與之。減而又減。平生所為。大抵類此。後昶死。其長子以人命係獄。破家而死。次子流落乞丐。死於他鄉。嗣遂絕。常州蘇益仕至監司。富而多吝。嘗買一菜園。反復播弄。欲減其價。賣者情急。彼愈苛刻。剝其子在旁。甚不適意。乃大言曰。大人可稍增價。兒輩他日賣。亦得善。

價。父愕然。自此稍悟。後益死。其子改從厚道。一反父所為。因保身未敗。

唆人爭訟解

倚人之爭訟。我何樂而唆之。非貪其財。即破敗家風。而不

願者。唆亦多術。筆刀舌刀皆是。

案黃鑑。蘇衛人。其父慣教唆爭訟。蕩人產業。致人

冤獄。後鑑弱冠。登正統壬辰進士。郡人皆歎天道

無知。天順在位。鑑歷升大理寺少卿。一日上御內

閣。得鑑於景泰中有禁錮天順疏。立時族誅。蘇人

大快。乾隆中。有許胖子。衡州人。在雲南昭通

府充代書。其地乃新彊。知此者少。許一人為之。獲

利甚厚。財來極易。故浪用。不惜復誘淫婦。女莫知

其數。是又造孽中之孽矣。如是者十年。被一人告。發

革役。毫無存蓄。於是大困。求乞街坊。又得一水脹

病。夜卧城下。肚腹脹破而死。無子。眾以草裹埋之。

損人利己解

凡一切惡。皆損人也。而其意

案保靖州揚大王周錢火兒三人。同一驢。懦漢避

雨崖下。俄而虎至前。三人共推驢。懦漢出以當虎。

肥家潤身

解兄弟睦家之肥富潤屋德潤身肥家者財貨

也。今人之潤身者衣食也。甚有取非禮非義之財貨衣食於人而為肥為潤者

【案】紹興某官巧於貪黷積財數十萬及敗歸買良

田十萬畝富甲一郡其祖父屢示以夢言冥譴將

及略不知警一子一孫淫賭無節皆天死官病癰

瘕家著醜聲不數年家資敗盡抑鬱將死張目大

呼曰我官至布政不小田至數萬不少

恨天怨地

解造物之大也。人猶有所憾然其所憾正其所以為大也。而不知命者動曰天地胡

不意崖忽崩虎驚而去駭懦漢反得免害而三人俱壓死矣。朱少傅國楨曰浙有二士俱春秋名家秋試前一夕一生密取彼生謄正筆嚼去其穎及入場抽用已禿盡矣慟哭欲棄卷出假寐間覺人促之寫者起視其筆依然完好且疑且寫既完仍禿筆也交卷至二門遇彼生迎問曰佳卷得意否謝曰但得完卷耳其人面發赤明日嚼筆生貼出禿筆生竟魁選聯第

不佑。嗚呼。曾自問能邀天地佑否。而反為怨恨。以重過耳。知天地之當敬。則怨恨自不敢生。又

【案】

焦俊明。早歲登第。久而不遷。屢以坎珂怨天。又

上表章致禱。一日有素書墜爐前。細視之。乃天篆

一十六字云。受金五兩。折算十年。枉殺一人。

死後處分。俊明閱之。膽喪色沮。不久而斃。

罵雨呵風

解。風雨皆有神明司之。可罵可呵乎。田夫

文人學士。而亦有出此者。則平日縱恣慣暴。戾慣。若不知檢點者。然病根不淺。宜戒慎之。

【案】

楊絢美。有從子數人。幼在家塾。值大風雷雨。雷電

皆出戶望之。或詈且笑曰。是風伯雨師所為乎。雷

亦有鬼。有則殺之。忽風雨益甚。方入門。遇霹靂一

聲。眾皆負牆僵立。駭汗欲死。天霽人覓得之。見庭

可忍。有赤痕若杖形。救之乃甦。

【案】

聖賢。聖賢豈能與爾爭哉。處千載以下。議千

謗者。未之思耳。

毀者。則又有意。

謗之者也。蔑理畔經。莫此為甚。

〔案〕李卓吾性情偏頗多違常經其言曰天不生仲尼萬古如長夜。豈義農而下盡燃燈籠行耶。又曰人能無以仲尼之是非為是非。則是非定矣。孟子程朱皆所誹排。至是以始皇為聖帝。武后為聖后。馮道為聖相。其怪僻如是。後被張給事參奏。逮問服金而卒。

滅像欺神。解其像。即有其神。像存而生其敬畏。神乃

憑也。必曰滅之。母乃欺神實甚。

〔案〕吳郡高受有人送伊王佛一尊。受愛其玉美。乃截斷作環帶於手指。後以飛語坐罪。腰斬於市。佛量如天。未必深究。而司報應之神罪之矣。康熙間福建福州府林逸。王元升。屢赴春闈。不第。憤懣無聊。偶醉入文昌宮。狂罵。舉聖像仆地。復題詩而去。歸即病作。自言曰。汝二狂徒。前身止有小善。今得一榜。已過分矣。何敢猖獗至此。立發地獄。究治。家人惶恐。速新聖像。二人俱死。明萬歷初。西華人王著。應里役。與納戶會計。爭完逋。誓於城隍廟。著自謂生平正直。因曰。神不辨正。當是土偶。塑

宰殺牛犬

解

然牛犬効力於人最多。無故不殺。天子且

宰殺至此。視物命如草管。孔子且然而況於常人乎。

忽昏寐良久。醒曰。異哉。適至一官府。乃吾宗尚書

縣官。不禁殺牛。即宋范文正公。吾為其屬。以爾昔為

神錄。禁牛榜。果有之。申奏還壽。座客皆驚。咸誓不

食牛。後俊果十二年終。申奏還壽。座客皆驚。咸誓不

家。寓一客。出見賣犬肉者。縛一犬買放之。犬即隨

客。不離。後客往江陰發買棉花。有銀二百為主。家

僕竊見。與船戶謀。以酒醉客。用蒲包細繫投水中。

犬即跳岸。跑入村家。哀鳴不已。若招人走狀。村人

隨至水邊。犬跳入水。銜起蒲包。村人解視。氣尚

未絕。因仍往祝家。俟僕與船戶歸。解縣伏辜。

汝無益。是夜宿揚善寺。忽聞門外呵喝聲。起視。見

一宰官。幘頭朱衣。擁衛甚眾。呼二力士。操刀向著。

將刺之。著窘迫。口頻中刺。流血滿地。寺僧驚起。不見其人。

污穢字紙解

粟以養人。字以教人。君子飲水思源。敢

諸文言之詳矣。

【案】楊慧兒九歲善屬文。於五經諸史。過目成誦。一

日在館。索夜桶不得。遂將殘紙藉於牀前。使之誤

投。字紙在內。次早翻閱。故書即茫然。不省拈題。構

思。胸中如有物礙。不復成。一字矣。竟至廢業。卒以

病夭。武功縣寺有藏經。六生講讀其中。時遇寒

月。四生取經。燒坑。一生取經。燒水面。一生心惡之

而不敢言。則對山康狀元也。一夕對山夢三官排

衙。六生皆跪。中坐者曰。爾等何敢取字紙。燒坑。四

生俯伏。請罪。斷皆絕嗣。復問。燒水面者。斷無前程。

末顧對山。汝何不言。曰。我年幼。心知不可。不敢犯

長者耳。書末。後督學來試。五生皆被黜。六月瘟疫

其事。於生死門戶。皆絕。洗面。生作老教書。

盛行。四生。死。門戶。皆絕。洗面。生作老教書。

後餓死。此康對山親與蒲州楊會憲言者。

恃勢凌善解

敵勢者。一時之焰。善者。無理而強。有善者。守

分而弱。自古以然。恃而凌之。凌善人即凌天地也。勢盡而善獨存。

〔案〕浙省廣濟軍。歲差役戶充役庫子以司出納。有

人侵用官銜。無可為償。府判王某素號殘忍。乃拘其妻妾子女於官。載入西湖令陪客取資納官。後府判子孫世世為娼。

倚富壓貧。解日富在我而貧在人。安知明日不富在

人而貧在我乎。然世人不想到此。則憑一時之力。一帆風便使個盡也可笑。

〔鑒〕太倉富民沈某。性險惡。鄰田與同坵者。必欺占之。有網罟車犂什物者。必借而陰損之。慮其侵己之利也。舉債必倍息。而後入。其幼婦獨勸諫。勿聽。一日幼婦方歸甯。行未一里。忽雷雨風火大作。一龍入其家。震蕩席捲。子然無遺。一家老幼俱震死。田歸舊畝。器歸舊主。報應之奇。人心大快。震

離人骨肉。間人兄弟。解得骨肉天性之親。不有繫焉。誰

同類。吾不當代為彌縫乎。乃反因而離之。是誠何心。必有貪其利而樂其災者矣。骨肉之易離者。嗚呼。莫

如兄弟。故連類而另條。以示叮嚀。有心者察焉。

【案】江充為趙王客。得罪亡。詣闕告趙太子陰事。太子與武帝兄弟行也。因告坐廢。帝拜充直指使者。從上甘泉宮。逢皇太子家使。乘車行馳道中。充以屬吏。太子使人謝充。令勿以聞。充不聽。竟自白奏。會巫蠱事起。上令充治獄。充曰。於太子宫中得木人尤多。又有帛書。所言不道。當奏聞。太子惶迫。收捕充。斬之。倉猝之間。上未赦太子罪。太子遂自殺。上知之。乃族充。浙江朱信夫為人狡猾。里有富家。兄弟爭產。因唆弟訟兄。賄屬官吏。破其家。而有之。兄弟俱抑鬱死。信夫擁富二十年。至元戊寅。為謀反者牽連。結訟到縣。見府吏儼如大家之兄。復抑令招承。復訟於府。見府吏儼如大家之兄。復抑令招承。家產既盡。與妻女子媳八人俱死於獄。年號元。

不信正道解

正道如聖賢仙佛之道皆是也。不信者。闕杳茫。皆因不善行正道。而致一能信之。則無非守身心。與人為善而已。三教一理。皆從信心起。

〔案〕王安石為相。創行新法。一時皆言不便。安石悉排斥之。嘗曰。天變不足畏。人言不足恤。祖宗之法。不足守。以司馬光程蘇諸正人。為朋黨。其子雱。尤慄悍陰刻。嘗私議欲復肉刑。議未上而死。安石怵。怵見雱荷鐵枷。心疑懼。安石死。其親郭權。病絕。復蘇言見一獄。有疑人被械。白髮大目。卒不言其姓名。即安石也。姚信文。譚紹遠。刊佈陰騭文。去奉真。拜佛句。永常。安刊。孝經。去偈咒之言。後奉。帝君。督責曰。敢侮吾言。輕薄已極。是皆其平昔薄佛老。以鳴高。豈知三教流通。並行不悖。後之行其教者。毀性滅心。以致釋。非釋。道非道也。若能遵守其本。來之教。明心見性。又何愧於儒。今之為儒者。澆漓。成習。無所不至。以致儒。亦不成。仙證佛。亦入於釋。道。本。來之教。心正意誠。即可成仙。證佛。亦入於釋。道。矣。若不正其誣。謗之罪。恐後之誣。謗者。彌多。吾故。於姚文信。永常。安除其名。奪其算。譚紹遠。孝行。可。嘉。但薄責之。世。人各宜謹戒。

姦盜邪淫

〔解〕姦者。詐也。盜者。強也。邪者。僻也。淫者。亂也。此四者。惡之尤也。

〔案〕堰典妻常與人私。又竊鄰家一手巾。鄰詬罵。典乃咒曰。我妻果與人私。及竊汝手巾。當為雷擊。否則汝亦如之。未幾果斃於雷斧。典脅下有字曰。癡人保妻。妻脅下有字曰。行姦為盜。善幻術。王弼嘗折辱之。萬里怒。以術壓弼。弼夜見一女鬼至。詰之。乃曰。妾乃萬里所遣。以害公者。公誠謹。不忍侮。今欲乞公申我冤。妾乃豐州周和卿之女。名月西。母病。召萬里占之。乃記妾生命。行咒禁之術。使我昏仆。負之野。割我髮及五臟。粉為丸。咒之。復束紙為人形。百端役使。我稍違。即以鍼刺。痛苦備至。弼聞之。縣捕而訊之。月西與辯。又言曾殺二人。遂搜獲二人爪髮。乃殺之。三魂拜謝而去。

好尚奢詐不重儉勤

〔解〕奢則不遜。詐則不實。奢能生。儉因奢詐尚。則儉不重。而何有於勤。

好尚至此。習染深矣。儉與奢反。勤與

〔案〕晉武帝以外國所貢火浣布為衣。著之以韋石

崇第。崇武帝。故服常服。而從奴五十人。皆衣火浣布。

衣以迎帝。卒召滅族之禍。魯公父文伯退朝。朝

其母。其母方績。文伯曰。以獸之家。而母猶績。懼干

季孫之怒也。其以歟為不能事母乎。其母嘆曰。魯其亡乎。使僮子備官而未之聞耶。後文伯卒於難。

輕棄五穀

〔解〕

何儉勤不重。則不知稼穡之艱難。而又

〔案〕王黼宅與寺鄰。溝中每日流出飯。寺僧收之。

洗淨晒乾。積成一囤。及黼犯法抄家。絕食。寺僧用

前粒蒸熟。餽送。黼甚歎悔。後竟伏誅。康熙四年。

松江民袁太葵。以魚腸等物。和飯飼貓。家僮張某。

拋牆外。誤入廁中。袁母命掃除。訖。本日太葵父子

皆病。夢玄壇神曰。汝不敬五穀。當受雷擊。袁曰。吾

生平無過惡。拋棄五穀。家僮所為。神曰。罪坐家長。

遂隨行。途遇執旗者曰。已赦矣。玄壇曰。帶歸家堂

審理可也。家堂神曰。袁某生平燒香好善。此事實

坐不知。且所棄米粒。已經收拾。雖雷部經過。亦無

害矣。袁拜求再四。玄壇曰。雷發時。汝家人等入我

鞭下可免。玄壇去。家堂神曰。汝燒香神前甚善。但

人多從神前取火。反生褻瀆。後宜戒之。言訖而甦。

不報有恩

〔解〕

人以恩來。人情從此厚。風俗從此淳。此

自古帝王治法亦以睦婣相尚也乃有恩而不報人情從此薄風俗從此澆矣謂之無人情也可

案齊袁粲恥事蕭道成遇害有幼兒方數歲乳母攜之投粲門生狄靈慶慶曰吾聞出郎君者有厚賞乳母呼號曰公昔與爾有恩故冒難歸汝若殺郎君以求利神明有知行見汝滅門也兒竟死兒存時常騎一大猱狗為戲死後年餘忽有狗走入靈慶家遇靈慶於庭即嚙殺之并嚙殺其妻即郎君所騎大猱狗也

瞞心昧己

解何以謂之心人所固有之良心何以謂

安則不可為矣乃仍為之彼知其不順之己若己有不順則不可為矣乃覺察者是謂瞞為一事而己有不安之心若未能仍為之彼知其不順之己若己經忘了者

案白居易與李德裕不協白有所寄文章李緘之一篋未嘗寓目或問之曰見之便當愛之上欲相

居易德裕言其衰病乃止後德裕失勢貶崖州卒於貶所

大斗小秤

解

乘人之不知。吾斗秤而用之。是欺人也。

欺人不義。劫人不仁。

案

杭州王用先。刻薄成家。積財百萬。猶貪心不足。

置大小二斗秤。大進小出。欺剝貧民。將及十年。遭

禍。被刑。家則破。散。子孫乞丐。

假立邪教

引誘愚人

解

教有三。曰儒。釋。道。儒教者。邪

又玄。淺者不能辨其真假。奸人從此滋弊。或

案

侯元。上黨人。樵夫也。勞苦甚。憩石間。於石中得

一書。習其術。能變化百物。役使鬼魔。草木土石。皆

成騎甲。未幾。假其術。引人聚眾。欲謀不軌。上黨帥

捕之。卒為官兵擒斬。歷代如漢之張角。晉之孫恩。

盧循。元末之白蓮教。多引徒眾。謀為不軌。事敗之後。身首異處。無一得免。

詭說升天

斂物行淫

解

時日可升乎。吾未聞升天而有

集男女眾人。雜處一所。而共觀夫某月某日某僧某道升天耶。其究因聚眾而斂物。罪止貪黷。因聚眾而行淫。嗚呼。世不當有是人也。世而竟有是人也。十世以後。泥犁之劫。豈足蔽其辜哉。善治家者。禁止婦女入廟。則亦人心世道之一助云。

【案】秦僧約。期於某日焚身升天。施錢堆積。至期就火。士民擁仰。御史聞命。視之。令止。炬扣其願。不應。令人升柴棚。察之。但攢眉墮淚。不動不言。乃諸僧縛著薪上。以麻藥噤其口耳。訊知歲歲如此。先邀厚施。比期取一愚僧當之也。奏聞。合院皆就誅戮。者上等當成佛作祖。下等轉生不失蓮教。詭言入教者。婦遠近會聚。因而斂財物。行姦淫等事。後被人告發。巡按奏上。詔誅其首惡。此教乃息。

明瞞暗騙。解得既曰瞞。何以明其瞞也。雖明處亦可瞞。騙來。此異端中之狡狴者。天不饒也。

橫言曲語

解

言取其直而曲之曲者委曲解釋之

謂此不循正道而為邪教之途也

〔案〕乾隆丁未武岡州周姓衣食稍足族丁寡弱是年歲荒冬寒舒姓有乞兒凍死郊外距周宅半里餘周夜卧不知天明舒來看見乃歸約匪徒以人命圖賴有言要拖累者有言要報官者周懼賄金五十兩求息十六人共分之前一班去後一班又來人愈眾要金錢百兩等語周無奈往請○帝君聖像並州城四郎聖像供於郊外上疏拜之眾懼而散過數月分銀諸人內一人忽癲狂自來周門跪拜曰我只分得銀若干但願你明中去暗中回每日拜三次數日而死又一願你明中去暗中回死七人餘九人願退還原銀求周懺悔周不允十六人盡死鄉人無不驚畏橫者強詞奪

〔案〕龜城祝期生好評人短謗人為非人有貌陋者譏笑之俊美者調嘲之愚昧者往侮之智能者評品之貧者鄙薄之富者訕謗之官僚許其陰私士友發其陰曲教人興訟已復和之構人成隙已復

兩利而並存之。見人奢靡。譽為豪傑。見人很毒。讚為辣手。人談佛理。笑為齊公。人談儒行。嗤為偽學。聞一善言。則曰。渠口中如是。心中未必如是。見一善事。則曰。做這件事。何不。做那件事。亂持議論。顛倒是非。晚年忽病。舌黃。必須鍼砭。刺血。升許乃已。一歲六七作。竟至舌枯而死。

白日咒詛背地謀害

(解)

人之具矣。然既已咒詛。稍知畏懼者。終當惕然。乃彼竟一面咒詛。而一面已於背地謀之。害之。白日之光。竟明。亮亮在頭上也。瞞得過。瞞不過。他日看也。

【案】

弘治間。揚州鹽場有甥舅同賈。舅竊其甥四十

金。甥索之。舅曰。吾與汝至親。寧有是耶。遂拉甥同

入嶽廟。誓言。吾倘竊甥金。當變為畜類。是夕二人

仍同宿一室。夜深。甥聞舅榻下有聲。呼舅不應。甥

起視。舅榻無人。捫其地下。有物作聲。大驚。呼眾秉

燭照之。乃一驢卧牀下。身足已變。面猶是舅。而口

不能言。甥債車載歸。付其

家養之。惟啖熟豆。踰年死。

不存天理。不順人心。

解之天理何在。在人心。於人心之中。

人心把得牢。則存以是。順亦以是。乃彼先於天理中。中心之天理。特而亡之。無有存者。行得事來。那一件能順得人。

心着。

案

仰思忠。精堪與。為一顯者。擇地甚佳。方點穴。俄

驟雨下山。夜夢神戒曰。此地切勿與之。此人為考

官。鬻三舉子。逆天背理。當有陰禍。仰覺。託故歸。尋

以爭地結訟。未葬而卒。家遂貧落。仰覺。託故歸。尋

良謨與同年北上。至王家渡。俄聞舟人與土人毆。陳

粹至。乃陳之家僮。陳責家僮。諭遣土人去。坐中同

學某者。忽驚罵曰。咄。爾何人。敢集多人。上我官船。

行劫。反誣我舟人毆爾。爾稱其才能。某亦揚揚自

哀。乃叱去。在坐者皆嘖嘖稱其才能。智略耳。人心天

為得意。語陳曰。今之為官者。才能智略耳。人心天

理四字。用不著矣。其後為紹推官。惟憑胸臆。天

竟以考察謫為沔陽縣丞。疽發背。洞胸而卒。

不信報應。

解

悟。報應之理。為賢者勸。報應之事。為愚者

不信。則愚而好自用者也。必待報應者

及其身而後信之。則信已無及矣。

案儒生潘仰之。不敬信玉歷鈔傳肆行批謗。用硃筆於字傍逐字加義。又用墨筆批亂話。硃筆批可笑等字。一日仰之忽黑夜開門出街。雙手爬地。指爪齊翻。腿足如細縛。喊叫伊子。捧出玉歷。遞與村鄰。供奉嶽廟。伊子回家。見家內火起。趕歸燒死。伊妻荀氏。裸體往外逃命。仰之親見出醜。歎向眾鄰曰。世人切莫如我。此刻薄多年。見此玉歷。仍不敬信。改悔。妄加批評。招此現報。言訖。火逼仰之身。遂成焦爛。眾犬嚼之。其妻羞忿。不知所往。

引人作惡 **解**引之作惡。於己有何干。而曰引之。必有所引。引之。必有所問。

哉。毒害生靈。不過殺人之身。罪當論死。此則且殺錢某。串黨十餘。誘富家子弟。藥色擲之。均

案無錫錢某。串黨十餘。誘富家子弟。藥色擲之。均分其利。後遇一少年。賭勝數十萬錢。方得意酣。擲忽諸色。送盆外。口鼻出血。仆地死。其黨驚以為中毒。時同縣一家延道士請乩。降者乃○關聖帝君

也。云某處有羣兇。用藥色誘少年。吾念乃祖虔奉我。往誅首謀。故來遲。隨訪之。果見羣聚說異。詳言其故。羣惡失色。相繼斃。

不修片善行諸惡事

解。片善之少。尚不修之。諸惡之多。竟爾行之。此人心之沒。而

天理之亡者也。結上文而言。以觀下文報應之條也。

【案】李林甫陰險不測。數興大獄。素所忌者必殺之。後見一毛人。鋸牙電目。命射之。跳入堂青衣過而死。暴卒。過廐。馬亦死。甫即見鬼擒拏。七竅流血而死。死後。其壻告甫陰謀咒詛。剖棺戮屍。籍其家。元和六年。惠州震死一女。亦朱書云。唐朝李林甫後身。淳熙初。漢州震死一女。亦朱書云。唐朝李林甫後身。遇善。三世為娼。七世作牛。訖永墮水族。林甫微時。遇一道士戒之曰。君前世多善。今當為宰相。貴後切勿陰賊。庶保令終。林甫不聽。專行賊害。久之。復夢道士曰。君忘吾言。今獲罪矣。引入一處。但聞風水聲。道士曰。此乃鱗介所居。慘苦莫當。汝應居此。永無出期矣。卒如其言。後世如秦檜嚴嵩。殘害忠良。

敗亂國家。大逆無道。千載聞知。槍至今跪。鑄岳墳。嵩後代。娼流異域。其報亦至顯焉。

官詞口舌水火盜賊（解）此六者人之所惡而畏者也。不知六者之來皆由自召也。

案萬歷間京口張姓者七世不得采芹求夢文昌。

夢○帝怒視曰天罰至矣尚望泮乎爾十五年豪

家相延東腿殊厚汝改作文字欺誑父兄誤其子

弟今爾家頗裕不思服食所從來聚徒館舍羣習

携捕師道當如是乎張不敢答而覺方圖自改忽

見一徒洵洵報曰某生因賭而鬪為某生擊死矣

張株連訟庭刑辱不堪家財既盡悵悵而死江

山縣祝大郎富而不仁其所用斗斛秤尺大小不

一。乾道八年有道士過其門戒之曰汝宜用心平

等。不可如是。倘怙惡不悛必有來取此四物者。災

不免矣。一夕夢三青衣來言汝家秤尺斛斗安在

夢中與之既覺急尋已失之矣。因憶道人語。災者

火也。即盡徙室中之藏於山中。質庫地。忽迸裂。洪

水湧出。水奔屋中。財物隨水而去。所居頃刻為潭。

家人盡死。僅存一小兒。至今稱為祝家潭。紹興

丁卯大饑。流民滿道。饒州富民段廿八積穀數倉。

惡毒瘟疫

解

惡行惡疾也。瘟疫之行大關劫

運獨不入孝婦之門。此其善惡報驗之至速也。

案

漂陽狄某為雲南定遠令。邑有富翁死。其妻擁

貲數萬。叔欲爭之。訟於縣。密囑曰。當以家財之半

為酬。狄遂拘其嫂。酷刑拷訊。悉奪所有。四萬金。狄

得二萬。嫂賣恨以死。狄一日晝寢。忽見此婦手持

小團魚掛牀上。未幾遍體生瘡。如團魚狀。痛徹骨

髓。晝夜呼號。踰年死。五子七孫俱生此瘡而歿。

蜀御史陳潔。很戾自恣。其決刑獄。專以深巧為能。

每月斷死者百餘人。夏憩水亭。見蟾子下懸。引手

因貪苦。十年而死。子亦乞丐。

女媳盡掠其貲而去。榮復大

紹定間。遇寇江中。中有一盜。縛榮父子。淫其妻妾

產。直至行乞而死。榮既富。行鹽於江河者二十年。

惡起家。里中有一富翁子。榮與結親。百計謀其財

雷火大作。焚其所積之穀。段亦震死。宋鄭榮。狡

欲索高價。官遣吏借賑。許諾。次早段廿八見饑民

集候。退悔不發。眾方喧吵。乃與家人閉戶拒之。忽

接之。即化為火蜘蛛。嚙其中指。痛入骨。拂落階下。又化為厲鬼。潔乃指潰而死。順治甲午三月。太瘦傳染。往往滅門。親戚不敢過問。晉陵顧成娶媳錢氏。適歸甯母家。成先得疾。諸子及婦凡八人。伏枕待斃。錢氏欲趨視。父母阻之。氏曰。夫之娶妻。首重翁姑。今翁姑病甚。忍心不歸乎。吾往即死。不敢望父母顧也。遂歸。成聞鬼相語曰。諸神衛孝婦歸矣。吾等應速避。由是一門皆愈。

生敗產蠹

解

子孫者。天所以報善人之不能及身。而

或祖宗無大惡。則亦不遽絕之。亦有遽絕而其報不彰。則故與之子孫。以受其報。而本人之孽始了者。且

傍人亦因而知警也。諸仙言之詳矣。吾何言。

案

陸文淮上人也。侵其鄰人鄭氏之產。以為園圃。

所存惟嘉樹一株。陸晚年得一子而啞。數歲遊於庭。忽指樹而言曰。樹乎。汝猶在耶。家人大驚。已而復啞。及長。荒淫戲傲。盡破其家貲。乃死。人皆以此

子為鄭氏後身。

殺身亡家

解

殺身不足蔽其辜。則家與之偕亡。家者。該乎子孫財產而言也。

案趙某。歷城人。自恃多金。慣行兇惡。識者知其必有一天罰。未幾。乘氣聚而不散。父子兄弟動說咒誓。姑媳妯娌時相詬誶。因而生產率多不祥。妖邪作祟。不數年。家財耗散。男婦死亡殆盡。僅遺一女。未嫁。為奸人拐去。

男盜女淫

解

淫人妻女。妻女人淫。不待言矣。盜何以生也。曰。我之盜。有盜之實。而無盜之名。

故不受盜之罪。子孫之男盜。無盜之實。而有盜之名。且必受盜之罪。吁。子孫必為盜。以償乃罰。天下自此多盜矣。奈何。

案

永福人薛福。專擅虛詞。唆人結訟。能以曲為直。

以偽為真。煽惑官府。陷害良民。奸刁之徒。羣奉為師。遂以致富。後年老運衰。心不自安。延道士鄭法林。設醮謝罪。冀得倖免。鄭伏章而起。曰。上帝有詔。家付火司。身付水司。已而家果回祿。產業皆燼。數渡江溺死。子以盜斃於獄。止一女。後為娼。

近報在身。遠報子孫。神明鑒察。毫髮不紊。

解身報如官詞口。

舌水火盜賊之類。子孫報如蠹敗盜淫之類。皆應之也。近報速而輕。遠報遲而重。皆視其惡之大小而應之也。神明者。理之宰。天之靈也。不紊者。不錯也。各如其惡之類而報之也。

案秀水屠戶潘琪。積惡如林。一日死而復活。謂其妻曰。我入地獄。閻君曰。善惡之報。如影隨形。但陰陽阻隔。死者受罪。生者不知。故受者方苦。作者愈熾。人或勸之。則疑而不信。深可哀憫。今爾惡孽已極。著即還陽。顯報大眾。使之畏懼。因命鬼使押我回來。言畢即起。奔至街市。大叫曰。看我今日報應。即取屠刀自割其下陰。曰。此我偷淫之報也。又自砍其手。曰。此我殺生之報也。又自剖其心腹。曰。此我陰毒之報也。願世人不學我言。畢倒地。大眾屬目。無不驚懼。此康熙三十八年七月事也。建州人林達。屢屢侵人所有。里中有葬父者。築墳一區。風水最吉。達造偽券。稱其父未死時。將此墳賣於我。遂以己父遷葬於中。里人爭之不得。葬畢。達夢其父曰。福田在心。不在風水。上安有偽契欺人。奪

人所葬而享福利者。今反因
此絕子孫矣。後果如其言。

善惡兩途禍福攸分行善福報作惡禍臨解

禍福無

求之者于何分之曰善曰惡夫人於禍福之途辨之
至明趨避至巧却不知從分途處辨之審而先趨避
之何愚也。行善者善若大路我坦然由之也。作惡者
我本無惡即天地間亦本未有惡其惡之有乃我造
而作之也。福報禍臨統
前後兩節而言之也。

【案】庚寅春武進諸生龔廷揖因病夢判幽冥事後

無病而夢亦然每月月初一日赴昭昭堂聽斷善簿
用硃書率多忠孝節義惡簿墨書多不忠不孝事
總三百餘案歷歷不忘隨筆錄之同郡潘靜菴刊
活閻羅斷案鄒麟為序行世有一人之身約
善後惡而分禍福者侯鑑為江夏令與僧名居約
者有舊時往訪之每至必先具盛饌一日又至延
待殊缺鑑怪問之僧曰公每至土地必先報此次
不報是以不及預備也鑑大驚使僧問故是夕僧
夢土地神告曰侯鑑合作宰相于我有統攝故報

今受胡氏金六十兩。枉斷一事。天曹已削其爵。命亦不永矣。鑑聞深愧。後果然。更有兩人。一善一惡。而分禍福者。蜀郡大饑。富民羅密有穀萬石。閉糶以待價。義士許容有穀千石。盡用賑饑。穀盡繼之以錢。錢又盡。不能開發。來者益眾。乃焚香禱於急。乃發其倉。穀隨風起。自空而下。旋成小堆。遍於荒郊。聽民自取。而羅之藏穀一時俱盡。氣憤縊死。鄉人感許。次年眾酬之。有司詳報。以許為邑佐官。子孫昌大。

我作斯語。願人奉行。言雖淺近。大益身心。

解斯語豈

哉。而我亦既作之矣。我之作。我之願也。願人聞我前語。而知勉。願人聞我後語。而知戒也。奉行者。即上文信心奉行之意也。言不在深。在淺。不在遠。在近者。願人易於奉行也。身心之益。奉行則得。否則即日讀吾經。與不讀。何以異。

【案】○帝君生平有言。願天常生好人。願人常行好事。又勸世箴曰。做好人。行好事。讀好書。說好話。此

四語亦○帝君生平箴言也。蔚州魏象樞。虔請○
帝君語之曰。吾道一貫。孔子曰。一以貫之何也。對
曰。大人當有擴充推致工夫也。○帝君又曰。赤子
知能。原是一貫。爾說與世人知之。帝君曰。試
時見人刻善書。以紛紛施送。恐人穢褻。反增罪過。
為辭。即夜夢○帝叱之曰。爾讀書明理。尚為此言。
若人皆效尤。善路幾絕。後乃印送此經。千本。虔誦
奉行。遂為翰林。登台輔。觀此益知願人奉行大益
身心之旨。

戲侮吾言斬首分形

(解) 吾言者何。天也。神也。陰律也。

神戲侮陰律。戲侮王章也。當科何罪。斬首分形者。大
不敬。畔亂之誅也。陰律王章同條共貫。勿謂吾言之
太猛。亦勿謂吾言之不早也。

遂戲言曰。○帝君智勇出羣。何乃為呂蒙所詐。○
帝君即降乩曰。呂蒙今何在。英靈萬古傳。不看黃
甲面。斬頭在眼前。後此生中進士。隨患對口瘡。而

死。甯波李燧升順治乙未進士。赴京舟泊吳門。夢○帝君諭云。汝有大禍。急註善書。勸迪來學。庶可解免。李不之信。及後謁選得漳州司。還過吳門。復夢帝君怒責曰。汝違吾言。禍今至矣。及明而緹騎造舟。拏解赴京。沈淪獄底。

有能持誦。消凶聚慶。求子得子。求壽得壽。富貴功名。皆能有成。凡有所求。如意而獲。解。此數語。言報何厚也。試思何以謂之誦。誦者。口誦亦心誦。何以謂之持。持者。拳拳服膺而勿失之矣。能持而後能行。能行而後能體。先之以信。繼之以好。以誠立志。以勇祛私。以永行振其情氣。以篤志絕其紛心。是謂能持。是謂能誦。今世之誦是經者有矣。而得是報者蓋鮮。豈報之爽與。誦非吾之所謂誦。持非吾之所謂持。則誦猶勿誦。持猶勿持。烏觀所謂報以功名富壽者哉。然則為之奈何。夫亦曰盡忠孝節義等事。於人道無愧。可立於天地之間而已矣。君子三畏。四知。以慎其獨。學者盡取法焉。

憲江東王徵進云。康熙壬戌秋。蹇歷邊徼。貧病交侵。適遇王左公授子一編曰。此○關帝覺世經也。捧讀之下。立願遵持。弗敢少懈。而廿餘年之痼疾。勿藥有喜。年愈五十。時憂嗣息。至是越十年而連育五子。後又種種瀕危。蹈險均蒙○帝春。履險如夷。轉危為安。皆持誦真經之明驗。休甯金奔山奉持真經。舉動必以為準。一日舟過七里壠。暴風陡作。舟幾覆。人見黑霧中有金甲神持紅白旗曰。此舟有持誦真經者三人。宜保護之。舟遂定。三人一南關許姓。一嘉定俞姓。袁了凡先生名黃。幼孤。母命學醫。謂可養生。復能濟人也。偶遇雲南孔先生。為起皇極大數。言明年即當進學。某年當補廩。某年當貢。貢後選四川大尹。在任二年半。五十三歲八月十四日丑時當終。無子。後驗其言皆奇中。因信榮辱死生皆有定數。澹然無求。一念不起。後於棲霞山遇雲谷禪師。教以立命之道。惟在行善。自能轉禍為福。不當為數所拘。從前種種。譬如昨日死。從後種種。譬如昨日生。將已往事一切丟過。却像從新做人起。務在立志決行。不可自棄。堂堂大夫。奈何為孔先生算定哉。遂出功過格。日記所

行之事。以自考其善惡。乃發憤立誓。行善事三千。以求登科。果中式。又行善事三千。以求子。果生兒。名天啓。又誓行萬善。求中進士。丙戌果登第。授寶坻知縣。置一冊。名曰治心編。所行悉記。夜焚香告○帝。如趙閱道。寶坻糧重。百姓不堪。力為區畫。以減之。夢神告曰。即此一事。萬民受福。可當萬善矣。其夫人亦助之行善。用鵝毛管印記曆日之上。至五十三歲。沐浴以待。竟無恙。壽七十餘。考終。子天啓亦中甲科。孔先

萬禍雪消。千祥雲集。諸如此福。惟善可致。解雪消消

無形者也。雲集。集之厚。而自天者也。禍消祥集。則為福矣。諸如上文所言之福。豈有他道可致哉。亦豈徒誦吾經所能致哉。惟善方可以致之。善者

所包至大至深。非小就淺嘗所得而盡也。
[案]宋景公時。樊惑守心。司星子韋曰。禍在君。可移於相。公曰。相所以治國家者也。曰。可移於民。公曰。百姓死。寡人將誰君。曰。可移於歲。公曰。歲饑。百姓必死。子韋曰。天高聽卑。無誠不格。君有至德之言。

三其必有動於天矣。是夕，熒惑即不復見。唐郭子儀生平惟仗忠信，推心置腹以待人，安於義命，用能恢復兩京，功蓋唐室，以身係天下安危者三十年。較中書考凡二十四，七子八婿俱列顯秩，富貴官爵，始終一轍。子孫榮貴，古今罕匹。

吾本無私，惟佑善人，眾善奉行，毋怠厥志。（解）天下有

天無私覆，地無私載，日月無私照，是也。莫高於天，非無私不能成其高，莫厚於地，非無私不能成其厚，莫明於日月，非無私不能成其明。天雖高，不能覆不善人；地雖厚，不能載不善人；日月雖明，不能照不善人。吾奉三無私，以代上蒼宣化，覺世牖民，豈不欲胥斯人而佑之，無如人心不一，人類不齊，不能有善而無惡也。吾見世上人，惡者勢焰日張，善者孤力無助，吾憫之憂之，冥冥之中，多方維持而保護之，使善根蟠結於兩間，而後快。嗚呼！吾以忠孝節義等事，望天下，是豈強人以難哉？亦不過保吾固有之善，堅吾不貳之志，奉行眾善而已矣。

〔案〕盧氏任佐秉性端方正直。里有帝君廟。素著靈顯。佐童年讀書廟中。即有誦法。帝君之志。生平不作一非理事。故得屢蒙保佑。景泰庚午科。文闈火烈。焰天勢若燎原。佐不知所出。恍惚見帝君。掖己置牆外。得不死。應科士俱被焚。生者僅七人。事聞上。憫之。恩賜及第。任與馬累官。至山西道監察御史。欽差赴河南舟次。徐州下洪。兩岸皆石。水勢衝激。舟觸即粉碎。時佐伏几假寐。夢帝君來。忽聞舟裂聲。遂驚寤。見他舟皆觸石覆沒。己舟獨完。乃知神力之默佑。後以御史持節按三秦。適固原上城。滿四據石城。作亂。勢甚猖獗。佐與都憲項公忠督軍七萬合戰。不利。伏羌伯毛忠陷陣死。寇益張。佐忽見帝君。縱馬提刀。自空而下。大呼曰。無恐。吾來助汝。時狂風大作。賊眾驚竄。佐遂乘勝掩殺。斬俘殆盡。論功行賞。晉佐爵命一品。王同軌耳。譚曰。民部郎沈君襄。以其父青霞公鍊在嘉靖時。抗疏論奸相嚴嵩過激。徙置絕徼。而又以重忤奸相。棄市。公諸子皆冤死。獨襄繫獄且久。時兩臺使皆奸相私人。欲斃襄獄中。俾沈氏無遺種。襄亦知之。忽白日中異香滿室。遙見帝君乘赤

免馬。自雲中盤旋而下。語之曰。汝忠義之子。故來救汝。語訖。戛刀入雲中。獄中人共見之。至夜半。獄外喧聲動地。則兩臺使皆以奉旨被逮。身膺提一死。一戍。而襄果出獄。蓋神力所扶持也。程子曰。讀論語。有讀了。後。其中得一兩句。喜者。有讀了。後。知好之者。有讀了。後。直有不知手。之舞之足之蹈之者。又曰。今人不曾讀書。如讀論語。未讀時。是此等人。讀了。後。又只是此等人。便是。不曾讀。又曰。願自十七八。讀論語。當時已曉文義。讀之。愈久。但覺意味深長。蓋讀是經者。亦猶是也。

關聖帝君覺世真經終

